

गाहाम हामब्लायनाय

मागो दमासि फोर्बोनि मुडै साफ्रोमनोबो सानसेयारि बड'सा खौरांलाइ फोलेरिप्रनय गाहाम हामब्लायहरनाय थाबाय। मिजिथियो मागो दमासि फोर्बोया बयनोबो गोजोन, खौरांसेथि आरो गावजों गाव अनलायनाय लाबोथों आरो खौरांसेथिनि दौलेखों आरोबाव गोखौरांसिन खालामथों। लोगोसे मागो दमासिनि फिथा, एस्थव, लारु जानायजों लोगोसे गोजोन आरो रंजानाय बोथेरा थाबाय थाथों बेखौरांनो मिजि थिवाय।

सुजु आफाद

सानसेयारि बड'सा खौरांलाइ

माइबां नोगोर, जोहोलाव देमालु लामा, कक्राझार।

सानसेयारि

बड'सा

बन्द फोसावनाय

मागो दमासि फोर्बोनि थाखाय सानसेयारि बड'सा मावखुलिया 14, 15 आरो 16 जानुवारी अक्टिसिम बन्द थागोन। बेनिखायनो सानसेयारि बड'सा खौरां लाइनि मोनथाम बिसान नुजानाय नड। उननि बिसानआ 18 जानुवारीनिफ्राय सिगांनि बादिनो नुजाफिनगोन।

फोसावगिरि/दिहुनगिरि

सानसेयारि बड'सा

माइबां नोगोर, जोहोलाव देमालु लामा, कक्राझार।

BODOSA ★ A Bodo News Daily ★ Sunday ★ 14 January, 2024 Kokrajhar, BTC, Assam ★ Vol.-33, Issue No. 289 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-

मदि सरकारनि गेरन्टि

निखावरिनि सिबिथाय, जानगाराव थानांनयफोरनो सम्मान

थानाय 5 बोसोराव 13.5 कौटि सुबुंफोरा निखावरिनि गोहोमनिफ्राय उदां जादों



बांदिने मिथिनो थाखाय स्केन खालाम

हमारा संकल्प विकसित भारत



दमासियाव बेसेबां गेदेर नाखौ जागोन ?

नाथाय सुबुनि देहानि थाखाय फिसा नाफोरसो मुलाम्फा गोनां होन्ना फोरमानजादों

गुवाहाटी, 13 जानुवारी: बोसोसे नाडै नेथ 'नानानै थाननायनि उनाव मागो-दमासि फोर्बोनि गाबोन आंगो उरुका। उरुका होन्ना बुडेब्लानो बयनिबो नोजोर-गोसोया गिदिर-गिदिर नाफोरनिमिम थाडे। रै-भकुवा, अररि-बालिनिफ्राय बाहु-मिरखा बायदि बायदि नाफोरजों दमासिनि हाथाइआ बुंफबो। नाथाय दमासिनि समानो जाथों एबा गुबुन सानानो जाथों, माबायदि नाफोर नांथांमोननि देहानि थाखाय मुलाम्फा गोनां जागोन। गिदिर-गिदिर नाफोराव थाव थायो आरो नानि मेजेमा देहानि थाखाय ख'हा गोनां। बेखों गिनानै

(□ 5 बिलाइआव)

कंग्रेसनि गागि दैदेनगिरि अपुर्ब भत्ताचार्यआ दोलोनि बिबानखौ एंगारबाय

गुवाहाटी, 13 जानुवारी: आसाम प्रदेश कंग्रेस कमिटी (एपिसिसि) नि गाहाइ नेहाथारि अपुर्ब कुमार भत्ताचार्य आ दोलोनिफ्राय बिबानखौ एंगारबाय। बिबान एंगारनायनि उनाव बिथाड दोलोनि खामानि मावनायखौ गोजोनाय

(□ 5 बिलाइआव)

फैगौ लकसभा बिसायख 'थियाव कक्राझार बियाबाव आम आदमी पार्टीआबो बाहागो लानो साखा-फारा

कक्राझार, 13 जानुवारी: खुंनो गोनां लकसभा बिसायख 'थियाव कक्राझार बियाबाव आम आदमी पार्टीआबो बाहागो लानो साखा-फारा जानायखौ नुनो मोन्नाय जादों। कक्राझार जिल्लानि बाउखुंयि बियाबनि सिडव थानाय गामिफोरव दावबायनाय हाबाफारि खुंनो आसाम आम आदमी



पार्टीआ। गुबुन गुबुन राजखान्थि दोलोफोरा फैबाय थानाय लकसभा बिसायख 'थियाव बिथा

(□ 5 बिलाइआव)

गोदान दिल्ली, 13 जानुवारी: भारतीय जनता पार्टी (बिजेपि) आ आसामनि एनसिएइसएसिआव देरहासारनो हादों। पार्टीआ मोन 28 नि गेजेराव मोन 25 मासिफोराव देरहासारनो हादों। बे देरहासारनायनि उनाव पिएम मदिआ बुंदोदि, जौनि दोलोआ जेबलाबो सुबुंफोरनि मिजिफोरखौ आबुं खालामनो थाखाय खामानि



मावगोन। बिथाड बुंदों, आं गावनि पार्टीनि मावसुमाफोरनि खस्थ' खालामनायखौ बाखायो। पिएम मदिआ आसामनि गिबि मन्थि हिमन्त बिश्व शर्मानि एक्स पस्टरखौ शेयार खालामनानै बे देरहासारनि थाखाय दिमा हासावनि सुबुंफोरनो हामलायथि जासियो। सिएम शर्माआ बेनि सायव फिनजाथाय

(□ 5 बिलाइआव)

बिपिएफ दोलोनि जइनिं हाबाफारि खुंदों लकसभा बिसायख 'थियाव बिपिएफ दोलोआ हारसिडै नो बादायगोन: हाग्रामा महिलारी



तामुलपुर, 13 जानुवारी: फैगौ लकसभा बिसायख 'थियाव बिपिएफ दोलोआ हारसिडैनो बिसायख 'थि बादायनो आंखागोन। -बेबायदि बिबुंथिखौ बिपिएफ दोलोनि आफादगिरि आरो बिटिसिनि बारम' गाहाइ मावफुं सोद्रोमा हाग्रामा महिलारीआ होदों। तामुलपुर जिल्लानि सिडव थानाय मतडपारा राइजोयारि फोथाराव

(□ 5 बिलाइआव)

बिकेडब्लिउएसिखौ आसाम सरकारा थाबैनो भिलेज नटिफिकेसन फोसावनानै बिसाइख 'थि खुंनानै होनांगौ: बड'सा ब्रह्म

सिमन सापरि, 13 जानुवारी: धेमाजि जिल्लानि ग'गामुख दखरा दुलाराइ बर' फरायसा आफादआ दखिन नलबारि बाथौ थानसालि फोथाराव सानसेनि हाबाफारिजों खुंगा 39 थि बोसोरारि जथुम्माखौ खुंनय जायो। सानसेनि हाबाफारिजों खुंनय हाबाफारि बायदियै फुबिलि समाव फिरफिला बिरहोयो



ग'गामुख दखरा दुलाराइ बर' फरायसा आफादनि आफादगिरि सन्जय गयारिआ। बेनि उनाव मुंख्लंफोरनो बिबार बाउजेनो ग'गामुख दखरा दुलाराइ बर' फरायसा आफादनि लोगो आफादगिरि बाबुल रामसियारीआ। बेनि उनाव थानै मेलखौ ग'गामुख हालामनि राइजो-राजाफोरनि नुजाथिनायव

(□ 5 बिलाइआव)



आसाम सरकार

मागो दमासि

अम अग्निं प्रज्वलितं वन्दे जातबेदं हुताशनम् ।
हिरन्यवर्नममलं समृद्धं विश्वत' मुखम् ॥

भ 'गनि फोर्बो

मागो दमासिनि मुडै

गासै राइज्योआरिफोरनिसिम गोर्बोनिफ्राय गाहाम हामब्लायथि जासिहरबाय ।

खौरांसेथिनि नेसोर्न मागो दमासिनि जानाय-लौनाया खौरांसेथिनि दौलेखौ गोखौरांसिन खालामथों ।

मागो दमासिनि बेलागुरनि दुंनयाया बयनिबो जिउखौ दुंब्रुत खालामथों ।

14 जानुवारी 2024

ड॰ हिमन्त बिश्व शर्मा
गिबि मन्थि, आसाम

फोरमायथाय आरो सुबुं फोनांजाब बिथोनगिरि मावख', आसामजों फोसावजानाय Connect with us @diprassam dipr.assam.gov.in



सुजुगिरिनि खोलोम

मागो दमासिनि बोथोर

मागो दमासिआबो जॉनि फालिथाय फोर्बोफोरनि गेजेराव मोनसे। गुबैयै बोसोर गोदान बैसाग दाननि रंजालि बैसागु फोर्बोनि उनावनो मागो दमासि फोर्बोआबो जॉनि गुबुन मोनसे फोर्बो। बे फोर्बोआ गुबैयै आबादजो सोमोन्दो गोना मोनसे फोर्बो। जॉनि रइज्योनि डइरजि जौखोन्दोनिखुइ बासिन सुबुंफोरानो आबादनि सायाव सोनारना नै जिउ खुडे। बेनि थाखायनो आबादजो बे फोर्बोआ सोमोन्दो दडहोन्नानै फोथायनाय जायो। आबादजो सोमोन्दो थानायखायनो रइज्योनि थागिबि सुबुंफोरनि गेजेराव मागो दाननि गिबि आरो सिगांनि सानखौ बायदिसिना मुं होनानै बोथोरनि फोर्बो महरे फालिनाय नुनो मोन्नाय जायो। बर'फोरा पौष दाननि जौबथा सानखौ संक्रान्ति आरो मागो दाननि गिबि साननिफ्राय मागो दमासि फोर्बो महरे फालियो।

मागो दमासिया आबादजो सोमोन्दो थानाय एबा आबाद मावनानै मोन्नाय फसल फिथायफोरखौ जानायनि मोनसे सम। देज्जां बोथोरव देहानि थैखौ गोलोमदै गसर होनानै मावनानै मोन्नाय जोसा, माइज्रा माइरनि बायदिसिना रोखोमनि फिथा, एन्थाब, लारू बानायनानै मागो दमासिनि समाव नख'रनि सोगोयारि जालानाय सुबुंफोरनो सिगांगो प्रसाद महरे बाउना नै गोसो-खुसियै जानाय नुनो मोन्नाय जायो। मागो दाननि गिबि सान आरो सानसे सिगां सुबुंफोरा लान्दां फोथारनि दैमा-दैसा सेराव माय जिगाव नडबा नाराजो मायहुं बादि न' हुनानै बेलागुर सावनाय जायो। आथिखाल जायगा-जायगाल' बिब्दि बेलागुर सावनानै मागो दमासि फालिनायखौ नुनो मोन्नाय जायो। नाथाय गोबां बर' गामिफोरवनो बेलागुर सावनानै दमासि फालिना नै रंजानाय नुनो मोनलिया। जाउनाव दानि जाखंबोनाय लाइमोन हान्जाया गोदो-गोदायनिफ्राय फालिबोनाय मागो दमासिनि नेमखान्थिफोरखौ मिबथिनो नाजालिया आरो फालिनो गोसो गुदुं जानायखौबो नुनो मोनबालिया। बेबादिनो जॉनि आंगो फोर्बोफोरा समनि फाख'नाव, गोदानथिजो गोरोबनो थानानै जौ जॉनि फालिथायफोरखौ खोमानो लामा लानायनि सावरयनाय जौ खोनानो मोन्नाय जायो।

समजो लो गोसे सुबुनि सान्नाय-हनाय, मावनाय-दानाय, थानाय-जानाय, गान्नाय-जोमनाय आरो सोलिनायाव सोलायनाय फैनाय बादिनो सुबुंफोरनि नेमखान्थि, आसारखान्थि, फोर्बो-रंजाथाय फालिनायफोरवबो सोलायनाय फैनायखौ जौ नुनो मोनो। मानोना आथिखाल समजो गोरोबनानै सोलिनागौ जानानै फैनायाव सुबुंफोरा सिगांफोरनि फालिथायफोरखौ सोदानानै सुंदोब आरो गोलै राहाजो फालिनायनि लामा लानागौ जानानै फैनायनि थाखायनो मागो दमासिआव बेलागुर सावनाय बादि फालिनायखौ नुनो मोन्नाय जाबालिया। न'आव नख'रनि सुबुंफोरजो ज'थै फिथा, एन्थाब, लारू-सौराइ जानायनि सोलायै फोथाराव एबा गुबुन जायगाफोरव थानानै लावखार ओंखाम जहैनानै रंजानायफोरखौ गोबांसिन खुनाय नुनो मोन्नाय जासै आथिखालनि मागो दमासि बोथोराव।

दिनैनि फान्जामुधि

राशि बाइदियै मुनि गिबि हांखो
 मेष : अ ल वृष : ऊ ब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : त र बृश्चिक : ब न धनु : ध भ (ढ फ)
 मकर : ख ज कुम्भ : ग श (स) मीन : द च (ख ज झ)

मेष : जेरावखि थाया मोजां सुबुंजो लो गो मोनलायगोन। फारफोमथिबो मोजां।
वृष : मोजां मोनलायनायनि अनलायनाया समानै नो थागोन। गोजोनै सम बारहोनो हागोन।
मिथुन : फालांगि मावग्रानि थाखाय गाहाम सान। रं खावरि मुलाम्फा मोनो हागोन। मोजां सान।
कर्कट : जेखि मावनो साना गोसोखौ लोरबां लानो नाड। सान्नायफोरा जाकुंनो हागौ।
सिंह : रवजोबो जेना गैयै शान्तिथै थानो हागोन। फारफोमथिबो मोजां।
कन्या : मानिबा गोसो हमथानो हायैयाव बोरलाबायनो हागौ। जेखियानो जाया गोसोखौ हमथा।
तुला : जेखि जाया बे रशिन थाखाय खेला गिलिफोरा देहासार जानो हागोन। जैरेबो मुंदांखा जागोन।
बृश्चिक : जायखि जाया समावनो सन्देह खालामनो नाड। गोसोखौ हमथानानै थानाया गाहाम।
धनु : जेखियानो मावा फालांगिरिनि थाखाय गाहाम सान। रंखावरि मुलाम्फा जागोन।
मकर : मानिबा खामानिनि थाखाय गोहो-बोलो बाहायनांनो हागौ। सांग्रां जानांगोन।
कुम्भ : जेरावखि थाया मानो सांग्रां जानानै थानांगोन। जेनायाव गोलैनो हागौ।
मीन : जेखि जाया खोथा बाश्याव उल्थां-फाल्थां जानानै बुनो नाड। जेनायाव गोलैनो हागौ।

26 जानुवारी सुबुंखान्थि साननि पेरेडआव आइएनएस चेन्नाइआबो बाहागो लागोन

गोदान दिल्ली, 13 जानुवारी : बे बोसोरनि थानाय 5 जानुवारीयाव आइएनएस चेन्नाइआ गवनि देशसासनायखौ दिन्थियो। लाइबेरियानि जाहाजखौ लैथोमायारि लुथ खालामग्राफोरनिफ्राय रैखा खालामो। हाइजेक खालामग्राफोरा जाहाजखौ लांखारदोमोन। बेनि उनाव आइएनएस चेन्नाइआ होसोयो आरो हाइजेक खालामग्राफोरा खारो। बेनि गेजेरजो जाहाजआव



आइएनएस कलकाताबो दड। बे मोन्थामबो स्टेल्थ मिसाइल डिस्ट्रियार। आथिखालाव बे

बारमुलाआव सान्थिनि अपारेसनल टास्कआव सासे जवान मुंख्लं जादो

श्रीनगर, 13 जानुवारी: जम्मु काश्मीरनि बारमुला जिल्लायाव एलअसिनि साखाथियाव सान्थिनि गेजेरजो खालामनाय अपारेसन अपारेसनल टास्कनि समाव सासे जवानआ मुंख्लं जायो। 24 बोसोर बैसोनि जवान मुंख्लं जानायनि खौरंखौ सान्थि हान्जाया मिथिहोदो। अपारेसनखौ बारमुला सेक्टरनि फरवार्ड एरियाआव खालामनाय जादोमोन। बे समावनो सान्थि जवान गुरप्रीट सिंहआ जिउ गोमायो। भारतीय सान्थिआ बे जाथायनि सायाव दुखु मोन्नाय फोरमायदो। मख'जाथावदि, गुरप्रीटआ 6 बोसोर सिगां सान्थि हान्जायाव थिसन्थाय लादोमोन। बियो सान्थिनि 73

थानाय सा 15 भारतयारिफोरजो लो गोसे सा 21 सुबुंफोरखौ रैखाथियैरैखा खालामनो हायो। सुलुनि बायदिल्का फैगो 26 जानुवारीखालि सुबुं-खान्थि साननि पेरेडआव बे क्लासनि दावहार जाहाज गाथोनजो लो गोसे बेनि हादतयारि हाथियारफोरखौबो दिन्थिगोन। भारतनियाव बे क्लासनि दावहार जाहाज गाथोन, आइएनएस चेन्नाइनि अनगायै आइएनएस कचिच आरो



फिल्ड रेजिमेन्टनि जवानमोन। सान्थि आव बाहागोयारि जानायनि उनाव 2023 नि आगस्ट दानआव बिखौ गुलमार्गआव गोदान पस्टि हसनय जादोमोन। गुलमार्गनि सिगां बियो सोनाब बंगनि बिनागुरिआव दडमोन। सान्थिनि बिबानगिरिफोरा जवान मुंख्लं जानायनि खौरंखौ होनानै फोरमायदोदि,

गोदानै थिसनजानाय आइआरबिनि जवानफोरखौ आसामआव दैथायहरनाय यजनाखौ फेलें खालामबाय

इम्फल, 13 जानुवारी: मनिपुरनि गिबि मन्थि एन बिरेन सिं आ भारतयारि रिजाभं बेटेलियन (आरआरबि) आव गोदान थिसन्थाय होनाय जवानफोरखौ लानानै मोनसे फोसावदो फोसावदो। बिथाड फोरमायदोदि, आइआरबिआव गोदान थिसन्थाय जवानफोरखौ ट्रेनि होनो थाखाय हा लामाजो आसामाव दैथायहरनायनि यजनाखौ केन्सेल खालामबाय। शुक्र बारखालि हरआव फेसबुकआव पस्ट खालामनानै गिबि मन्थि बिरेन सिंआ बुंदो, 10 थि आरो 11 थि आइआरबिनि गोदान थिसनजानाय जवानफोरखौ ट्रेनि



गोदानै थिसनजानाय जवानफोरनि नख'रआ अजद होनायनि उनाव राइज्यो सरकारआ लायो। नख'रनि सुबुंफोर बुंदोमोनदि, कुकिफोर गोबां अन्जिमायाव थानाय

लाक्षाद्वीप थांग्रा एयारलाइनआ मार्च दानसिम टिकेट फान्जो थिरांथा लादो

गोदान दिल्ली, 13 जानुवारी: भारतनि समाइना दावबायारि थावनि लाक्षाद्वीपआव थांनया गोरलैसिन जाबाय। सोलिबाय थानाय भारत-लाक्षाद्वीपनि दान्थे-बिदान्थेनि गेजेराव लाक्षाद्वीपनि मोनसेल' एयारलाइन एलायन्स एयारआ उफ्रा बिरखंफोरा जागायजेदो। एलायन्स एयारआ लाक्षाद्वीपआव थांनो लुबैनाय दावबायारिफोरनि अनजिमाया गोबां बांनयनि उनाव बे थिरांथाखौ लादो। एलायन्स एयारआ लाक्षाद्वीपआव सोलिबाय थानाय मोनसेल' एयारलाइन। एयारलाइनआ कचिच-आगरतला-कचिच लामायाव उफ्रा बिरखंफोर लाबोदो। एलायन्स एयारनि सासे गाहाय मावख'गिरिनि रबिबार आरो बुधबारखालि



सप्ताहयाव सानै सोलिगोन। एलायन्स एयारआ केरेलायाव कचिच आरो अगाती दीपनि गेजेराव बिरखंफोरखौ सालायो। बेयो लाक्षाद्वीप खाथिनि ओनसोलारि बिरखं गाथोन। एयारलाइनआ बे दीपसिम सानफोमबो 70 मासि गोनां बिरखंफोर सालायो। बे बिरखंआ आबुं गोहोजो खारो आरो मार्च दानसिम गासैबो टिकेटफोरखौ फान्नाय जागोन। सासे एयारलाइननि मावख'गिरिया बे फोरमायथिखौ होदो। बिथाड बुंदोदि, जौ टिकेटनि

रैखा खालामनायनि मुडव भारतआ बेफोरखौ थिसन्दो। बेफोरखौ मुम्बाइनि मझगाव डकयाई लिमिटेडआ बानायदो। बेनि गोलावआ 164 मिटार आरो गुवारआ 17 मिटार।बेनि लिस्थाइया 7500 टन। बेयो 1 घन्टयाव 56 किल'मिटर गोखैथिजो खारनो हायो। बे मोन्थाम जाहाज गाथोना बयनिखुइ गोखोसिन हाथियारफोरजो लेस जानाय।बेयाव 76 एमएमनि सुपार रैपिड गान लागायनाय जादो। बेराफरसे बेयाव

भारत आरो आमेरिकाया फालांगिनि सोमोन्दोखौ गोखोसिन खालामनायनि सायाव सावरयगोन



गोदान दिल्ली, 13 जानुवारी : भारत आरो आमेरिकाया फालांगिनि सोमोन्दोखौ गोखोसिन खालामगोन। बेनि थाखाय भारत आरो आमेरिकाया थांनय शुक्रबारखालि बेयाव तिपिएफनि मोनसे जथुमानि समाव फालांगि आरो इन्भेस्टमेनिनि सोमोन्दोफोरखौ बांहोनायनि राहाफोरनि सायाव सावरयो। टिपिएफनि 14 थि जथुमाखौ लो गो आफादगिरि फालांगि आरो उद्यम मन्थि पिपुष गयेल आरो जुथाइ राइज्यो फालांगियारि थान्दै (इउएसएटिआर) के थरिनि तेइआ खालामदो। गयेलआ सशेल मिडिया जौसां एक्सआव लिस्टोदि, सावरयनायनि गेजेरजो दरने हादतफोय गावसोरनि शेयार आरो फालांगि इन्भेस्टमेनिनि सोमोन्दोफोरखौ बांहोनायनि सायाव मदत होलायदो। बिबानगिरिफोरा थांनय बृहस्पतिबारखालि बुंदोमोनदि, भारतआ टिपिएफ जथुमानि समाव आमेरिकाजो लो गोसे माखासे आयदाखौ दिखांगोन। बेयाव समाजारि रैखाथि रादाय, आमेरिकायाव थाइजो आरो मुलि बायदि दिहुन्थाइफोरनि थाखाय बांसिन बाजार सौहैनायखौ रोखा खालामनाया दंफायो। भारतआ भिजायाव गोबाव जानायजो सोमोन्दो गोनां आयदाफोरखौबो दिखांनो बिथांखि लादो। बेयाव आंगुर फिथाइनि आबाद आरो हाग्रायाव हमनाय ना आरो नाथुर लैथोमायारि दिहुन्थाइफोरनि दैथाइहरनायखौ बांहोनाय, भारतनो जिएसपिनि खान्थिखौ सोलिहोनाय आरो गोजू टेक्नीकेल दिहुन्थाइफोर आरो फालांगिफोरनि थाखाय दैथाइहरनायखौ कन्टूलआव

50 एमएम साइज मैरिन क्राउड स्टन पाकुर बालास्ट दिहुन्नाय आरो जगायनाय
 इ-डेकार फोसवधइ नं 94 इन्फेन्जि-आरएवइ-2023-24। गाहायव फोरमायनाय खामानि थाखाय मुंसायगिरिआ इ-डेकार हंखायहदो 1। अउडेयनि सुं: फोसवधइ: खामानि लेवो 50 एमएम साइज मैरिन क्राउड स्टन पाकुर बालास्ट दिहुन्नाय आरो जगायनाय (I) निउ बडहाव वंसन-आगति-दिडिआर (टिपिएफ)-20 सेय, (II) निउ बडहाव वंसन-आगति (एसएल)-टिआरआर (फि)-8.413 टिकिए आरो टिपिएफ (फि)-2.300 टिकिए, (III) निउ बडहाव वंसन-आगति (एसएल)-सिडिआर (फि)-10.600 टिकिए (IV) निउ बडहाव वंसन-आगति (एसएल)-टिपिएफ (फि) 10.450 टिकिए। इ-डेकार बसेन: 8.32,76,467.21 अंमि नं: 5,66,400,00। इ-डेकार बन्द जानानि अउर अउर सभ: 05-02-2024 अक्टनि 15:00 रिगायाव आरो बेखेवनायो 05-02-2024 अक्टनि 15:30 रिग डिभिडेनले रेलवे मेन'नार (बाक), रंखा मारुवलियार। गोबीआव फोरमायनाय इ-डेकारनि डेकार विवाह आरो आउ फोरमायनिखौ www.treps.gov.in वेबसाइटआव मोनो हागोन।

रडिया डिभिजनव मोलिबरारि खामानि
 इ-डेकार फोसवधइ नं: इएल-आरएवइ-डिआरडि-30-2023-24, अउर: 10-01-2024। गाहायव फोरमायनाय खामानि थाखाय मुंसायगिरिआ इ-डेकार हंखायहदो। इ-डेकार नं: 2023-24। खामानि सुं: विधि-1 सेकन्नि गुबुन गुबुन गागर खालिनि सायाव आरो सिखाव 25 केपि एमि डेकारनि थाखाय मोहो हा भलेन कमाजि इन्फोरेन्स कर्टि कमाजि बागायनाय आरो भागायनाय। फोरमायनाय बसेन नं: 2,79,98,084.76। अंमि नं: 2,90,000-०। डेकार बन्द जानायनि अउर अउर सभ: 29-01-2024 अक्टनि 15:00 रिगा। गोबीआव फोरमायनाय इ-डेकारनि डेकार विवाह आरो आउ फोरमायनिखौ www.treps.gov.in वेबसाइटआव मोनो हागोन।

सिनियर डिडि/रडिया सा-सान्जा सिमना रेलवे

सिनियर डिडि/रडिया सा-सान्जा सिमना रेलवे

गुवाहाटी फार्से थांनाय उरांआ ढाकायाव इमार्जेन्सि लेन्डिं खालामदों

मुम्बाइ, 13 जनुवारी: मुम्बाइनिफ्राय गुवाहाटी थांनाय इन्डिग 'नि फ्लाइटआ ढाकायाव इमार्जेन्सि लेन्डिं जादों। इन्डिग 'नि फ्लाइट 6 इ 5319 आ मुम्बाइनिफ्राय गुवाहाटी फार्से थांदोंमोन। गात्रि बोथोर, खुवा खुनायनि जाहोनाव फ्लाइटखों लेन्ड खालामनो हायाखें। बे फ्लाइटआ आसामनि गुवाहाटी एयरपोर्टआव लेन्डिं खालामनो हायाखें, बेनिखायनो फ्लाइटखों आसाम सहरनिफ्राय 400 कि:मि: गोजानआव थांनाय ढाकायाव फार्से फिदिंफिनो गोनां जायो। बेबादिनो फ्लाइटखों गुवाहाटीनि सोलायै बालादेशनि ढाकायाव लेन्ड खालामो। बेराफार्से साफ्रोमबो दावबायारिफोरा रैखाथियै दड



होन्नानै फोरमायनाय जादों। बे जाथायनि जाहोनाव बे फ्लाइटआव गाखोनाय दावबायारिफोरा माखासे घन्टासिम जेनायाव गोग्लैनादों। बेनि सिगां इम्फलआव कंग्रेसनि भारत जोडो न्याय यात्राआव बाहागो लानो थांनाय मुम्बाइनि लाइमोन कंग्रेसनि बाराग' आफादगिरि सुरज सिं ठाकुरआ एक्सआव लिरनानै गावनि मोनसे पस्टआव

फोरमायदोंदि, बियो मुम्बाइनिफ्राय गुवाहाटी थांनो बे फ्लाइटआवदो दडमोन। नाथाय फ्लाइटखों डाइभाट खालामो। बेनि थाखाय फ्लाइटआव गाखोनाय साफ्रोमबो दावबायारिफोरा पासपट गैयालासे हारिमायारि सिमनायाव बारनाडो। बियो गुबुन मोनसे पस्टआव लिरदों। गावसोर 9 घन्टासिम फ्लाइट सिडव थांनदों। गाव भारत

जोडो न्याय यात्राणि थाखाय मनिपुरनि थाखाय ओंखारलांदों। आथिखालाव गाव माब्ला गुवाहाटीआव सौहेगोन आरो इम्फलनि थाखाय माब्ला फ्लाइटआ बिरखांगोन बेखो नेनाने दड। बेराफार्से गुबुन दावबायारिफोरा गाव-गावनि फे सबुक, टुइटर आरो इन्स्टाग्रामआव बे जाथायनि खोंरों होनाने गोलाव समसिम जेनायाव गोग्लैनायनि सोमोन्दे फोरमायदों। मख'नो गोनादि, सानफ्रोमबो फुनि समाव हादरनि खावसे बाहागोआ खुवा खुनायनि बेंखनआव थादों। बेनि जाहोनाव दिल्लीनिफ्राय लानानै माखासे सहरफोरनि फ्लाइटनि सिबिथाय होनायाव गोहोम गोग्लैदों।

हादतआवनो बानायनाय रेजें टेंक जरावरनि आन्जादखौ जागायबाय

गोदान दिल्ली, 13 जनुवारी: भारतनि गिबिसिन रेजें टेंक जरावरनि टेंस्टेंआ जागायबाय। डिआरडिअआ आसा खालामदोंदि, बेजों भारतारि सान्श्रिनो फेगो एप्रिल दानाव गथायना होनो हागो। रैखाथि बिबानगिरिफोरा फोरमायदोंदि, गावनि गोदान इन्जिनजों लाइट टेंकखौ बानायनायनि खामानिया जागायबाय। टेंकखौ 100 कि: मि: निफ्राय बांसिन जान्थाइसिम लांनाय जादों। सोलिफु बोसोरनि एप्रिल दानसिमाव बेखौ भारतारि सान्श्रिनो गथायनायनि आसा दड। सान्श्रिया 59 जरावर लाइट टेंकफोरखौ दिहनुया आरो



जागायनायनि अडांरखो डिआरडिअनो होदों। बेखौ सारसन एन्ड टुबजों लोगो नांनानै बानायनाय जादों। बे लाइट टेंकखौ सिगांआव बालाबारि आरो गोजौ जायगाफोराव ट्रेनिनि थाखाय थांनाय डिसेम्बरसिमाववो भारतायारि सान्श्रिनो

गथायनांगोमोन। नाथाय जामानिनिफ्राय इन्जिनखों मोन्नायाव गोबाव जायो। भारतायारि सान्श्रिनमोन आलादा प्रग्रामनि गेजेरजों 295 आरो लाइट टेंकखौ बायनो थाखाय टेन्डर लाबोगोन। बेनि थाखाय गो 6-7 कम्पानीफोरा गावनि

लाइट टेंकखौ दिन्थिगोन। बे मेगा प्रजेक्टखौ भारतायारि सान्श्रिआ आबु हेफाजाब होदों। बेयो मुलुगनां थाखोनि हाथियार प्रग्रामफोरखौ दिहनुनायाव गावआरि बिथिनि कम्पानीफोरजों लोगोसे हाबा मावदों। बिबानगिरिफोरनि बायदिब्ला, भारतायारि सान्श्रिआ लाहाख सेक्टरव गावनि गोहोखौ गोखोंसिन आरो दावहानि हुदा खालामनाय गोहोफोराव साबखानाय लाबोनायनि थाखाय लाइट टेंक प्रजेक्टआव खामानि मावदों। बेयाव चीनआबो गोबां अन्जिमायाव लाइट टेंक थिसन्ना दड।

सोनाब बंगआव सादुफोरखौ गावलोबनायनि हेंथायै बिजेपिआ टिएमसिरवौ गोस्त्रोडै सोंकारिदों



कलकाता, 13 जनुवारी: सोनाब बंगआव सादुफोरनि मोनसे हान्जानि सायाव होंगो-दोंगोनि गेजेराव मोनसे गाग्लोबनाय जाथाय सोमजिदों। बेखौ लानानै बिजेपि आरो खुं थायाव थांनाय तूनामुल कंग्रेसनि गेजेराव दान्थे-बिदाय्थे नुजाथिदों। सादुफोरनि सायाव गाग्लोबनाय भिडिअआ भाइरेल जानायनि उनाव बे केसआव सा 12 सुबुंफोरखौ हमो। सुलुनि बादिब्ला, गंगा सागरआव थांनो नागिनाय सादुफोरनि हान्जाया लामा आन्दायदोंमोन। बेनिखायनो बिसोरो मोनसे

आइजोफोरनि हान्जानाव बैयाव थांनायनि लामा सोंदोंमोन। सादुफोरनि गान्नाय-जोमनाय बिसोरनि महरखों नुनानै आइजोफोरा सोमोनाडो आरो गिखानानै हसिखावो। जायनि उनाव होंगो-दोंगो सुबुंफोरा सादुफोरनि सायाव गाग्लोबो। पुलिस बिबानगिरिफोरा बुंदोंदि, बिसोरो जाथायनि खोंरों मोन्नानै जाथायसालिआव सौहेनानै सादुफोरखौ रेखा खालामो आरो सोनाब बंगनि मोनसे मुंदांखा धोरोमारि जायगा गंगा सागरसिम थांनायनि बिसोरनो राहा खालामनानै होयो। बे जाथायनि

मोनसे भिडिअआ भाइरेल जानायनि उनाव बिजेपिआ टिएमसिनि सायाव थांखिनानै बुडोदि, राइज्योआव आइन बेबस्थाआ सिलिंखार जालांबाय। सादुफोरनि सायाव गाग्लोबनायखौ माखासे बिजेपिनि दैदेनगिरिफोरा सोंखारियो। सोनाब बंगनि हुग्लिनफ्राय देहासारनाय एमपि लकेट चेतार्जोआ बुंदों, पुरुलियायनि जाथायनिफ्राय सुबुंफोरनि गेजेराव रगा जौनाय सोमजिदों। गंगा सागरआव थांनो थांनाय सादुफोरनि सायाव इनाय-अनागारै गाग्लोबदों। बेयो टिएमसि खुं थायाव रैखाथिआ जेना गोनां जाबोनायनि सोमोनांथाव फोरमान। ममता बेनाजी खुं थाया शाजाहान शेख बादि उतखारिफोरखौ रैखाथि होयो। फार्सेथिं सादुफोरा अनागारै गाग्लोबनायजों मोगा-मोगि जानाडो। सोनाब बंगआव हिन्दुफोरनि थाखाय बेयो मोनसे

जेना गोनां मोखथाडरि सावगारि होन्नानैबो बिथाड बुंदों। बे जाथायनि भिडिअखौ लानानै मिरुनि मन्थि अनुगण ठाकुरआ बुंदोंदि, नारसिन्नानै होनाय राजखांथिआ बेबादि थासारि लाबोदों। सोनाब बंगआव आइन बेबस्थाआ सिलिंखार जालांबाय। सोंथिआ बेनोदि, बैयाव बेबादि हिन्दुनि बेरेखा सान्नाया मानो सोमजिदों। सोनाब बंगनि पुलिस बिबानगिरिफोरा फोरमायनाय बादिब्ला, बिसोरो सादुफोरखौ रैखा खालामनानै पुलिस स्टेसनआव लानानै थांदों। जेराव बिसोरनो जानो-लौनो होनाय जादों। बेनि उनाव बे केसनि थाखाय माबा अजदलाइ थिसन्नो सानो नामा होन्ना सादुफोरनाव पुलिसआ सोंदोंमोन। नाथाय सादुफोर केस थिसन्नो नेवसियो। बेनिफ्राय पुलिसफोरा सादुफोरखौ गंगासागर फार्से दैथायहरो।

मल्लिकार्जुन खड्गेआ कंग्रेसनि दैदेनगिरिफोरखौ नोगोरारिफोरजों फोनांजाब खालामनो खावलायदों

गोदान दिल्ली, 13 जनुवारी: कंग्रेसनि आफादगिरि मल्लिकार्जुन खड्गेआ शुकुबारखालि पाटिनि गुबुन गुबुन राइज्योफोरनि दैदेनगिरिफोरजों जथुम्मा खालामनानै लकसभा बिसायख'थिनि थाखाय थियारिफोरखौ नायसंदों आरो बिसोरखौ नोगोरारिफोरजों सरजाबनो एवा फोनांजाबखौ गोखोंसिन खालामनो खावलायदों। खड्गेआ सिगाडव गुजराट, मध्य प्रदेश, छतिसगड, राजस्तान, दिल्ली, महाराष्ट्र, गवा, दादर आरो नगर हाभेली आरो दमननि पाटिनि दैदेनगिरिफोरजों जथुम्मा खालामो। बेनि उनाव उत्तर प्रदेश, उत्तराखण्ड, हरियाणा, हिमाचल प्रदेश, पान्जाब,

सन्डिगडु, जम्मु-काश्मीर आरो लाडाखनि गावसिनि पाटिनि आफादगिरिफोरजों सावरायज्जायो। बे जथुम्मायाव कंग्रेसनि गाहाइ नेहाथारि केसि बेनु गपाल आरो गुबुन गुबुन राइज्योफोरनि मख'जाथाव गाहाइ बिबानगिरिफोराबो नुजाथिदों। कंग्रेसनि आफादगिरिआ एक्सआव पस्ट होनानै बुंदोंदि, 2024 नि लकसभा बिसायख'थिआ हादरखौ मोनसे गोदान लामा दिन्थिनायनि थाखाय जोबोद मख'जाथाव। आथिखालाव न्यायनि सायाव बिथा खालामनानै नोगोरारिफोरनि रावआ गोमसारागोन। तानासाह सरकारनि अहंकारआ जेनगोन आरो 140 कौटि हादर्यारिफोरनि मोन्थाया देरहागोन। बिथाड



बुंबावोदि, उत्तर प्रदेश, उत्तराखण्ड, हरियाणा, हिमाचल प्रदेश, पान्जाब, सन्डिगडु, जम्मु-काश्मीर आरो लाडाखनि क-अडिनेटरफोरजों लोगो हमनानै बिसायख'थिनि थियारिफोरखौ नायसंदों। मख'जाथावदि, लकसभा बिसायख'थिनि थाखाय कंग्रेसआ थांनाय सानफोराव 539 लकसभा बियावफोराव

गोदान बिबानगिरिफोरखौ थिसन्दोंमोन। कंग्रेसआ गुबुन मोनसे पस्टआव बुंदोंदि, सुबुंखांथिनि गोखों थांखिनि साखाथियाव आन्दायहोनों नाजानाया फेले जागोन। पाटिआ बुंबावदों, न्यायनि दावहारुआ 2024 नि बिसायख'थिखौ देरहागोन। नोगोरारिनि गोहोआ जौगाखांगोन।

मदि सरकार 2024 आव बांसिन मासियाव देरहासारगोन: मन्थि राजनाथ



गोदान दिल्ली, 13 जनुवारी: मिरुनि रैखाथि मन्थि राजनाथ सिंहआ भारतीय जनता पार्टीनि गुबुन हादतयारि मन्थिफोरजों

ज'खा लोगो हमदों। जेराव बिथाड बुडोदि, नरेन्द्र मदिनि दैदेन्याय सरकार 2024 आव बांसिन मासिफोराव देरहानो

हागोन। थांनाय बुधबारखालिबो रैखाथि मन्थिया लन्डनिन ताज हटेलआव अभासिस फ्रेंस अफ बिजेपि इउके (अएफ बिजेपि इउके) जों मोनसे ज'खा जथुमा खालामदों। बे समाव अएफ बिजेपि इउकेआ बुंदोंदि, रैखाथि मन्थिया फोथायनाय होनानै बुंदों, मदि सरकार थांनाय बिसायख'थिनि रुजुनायाव जानो गोनां बिसायख'थियाव बांसिन देरहासारगोन। लोगोसे नो बिथाड फोथायनायबो होयोदि, जौनि सिमनाफोर आरो राइज्योआ रैखाथि हान्जाफोरनि

सांग्रिथियारि हाबाफारिनि जाहोनाव रैखाथियै दड। बेनि अनगार्यै बिथाड गुबुन राइज्योआरि सोद्रोमाफोरखौबो भारतायिफ्राय बायजोआव थासेयावबो फोथायनायखौ लाखिलांनो थाखाय खावलायदों आरो बे बाश्रानि सायाव नोजोर होदोंदि, बिसोरनि फोथायनायनो भारतनि फोथायनाय। बिथाड रलबेल टाइम्सआव सेबखंजानाय चीननि लिखिदांनि सायावबो सावरायो। बे लिखिदांआव भारतखौ इयुनि महाशक्ति महै फोरमायदों।

म्यानमार सान्थि आरो हरियारि गुरिल्ला हान्जानि गेजेराव दावहा दोन्थ 'नाय रादाय खानो गनायथिदों

यांगून, 13 जनुवारी: म्यानमारनि सान्थि आरो बेयावनि हरियारि बाडइ सुबुं सानखो थांनाय गुरिल्ला हान्जाफोरनि जुथाइ दोलोनि गेजेराव हादतनि सा-सान्जा बाहागोआव सोलिनयाव दावहाखौ होबथानो थाखाय थाबैनो दावहा दोन्थ 'नाय रादायनि सायाव गनायथि जालायो। चीननि गुबुन हादतयारि बिफाना थांनाय शुकुबारखालि बेनि खोंरों होयो आरो म्यानमारनि सान्थियारि सरकारबो बेनि खोंरों होयो। चीननि गुबुन हादतयारि बिफाननि बुंथिगिरि माअ निंआ बुडोदि, म्यानमार सिमनानिफ्राय



400 किल 'मिटर गोजान चीननि मोनसे ओन्सोलारि राजथावनि कुनिमिआव चीननि गेजेर बाहागोआव बे रादाय जायो। बेजों म्यानमारआव रादायआ गाहामैनो सोलिगोन होन्ना बिथामोन्हा मिजिं थिदों। लोगोसे सावरायनायनि गेजेरजों

आयदाफोरखौ सुखानो हागोन होन्नानैबो मिजिं थिदों। म्यानमारनि खुं थायाव थांनाय सान्थियारि परिसदनि बुंथिगिरि मेजर जेनेरेल ज'मिन तुनआ अरायथा नडै महरै दावहा दोन्थ 'नाय रादायनि सायाव गनायथिनाय फोरमायो।

सिगाडव जानाय रादायखौ थांनाय डिसेम्बर दानाव मोननैबो बाहागोया फालियाखें। चीननि बुंथिगिरिया बुंबावदों, सान्थि आरो श्री ब्रदार्हडु एलाइन्सआ थाबैनो दावहा दोन्थ 'नाय आरो गावसोरनि दावहारुफोरखौ सावरायनायजों बोखारनायनि सायाव गनायथियो। मोननैबो बाहागोफोर सिमना ओन्सोलाव थांनाय चीननि सुबुंफोर आरो म्यानमारआव थांनाय चीननि बिथांखिफोरनि गेजेरजों मावसुमाफोरखौ जेबो ख'हा खालामनाय नड होन्ना खोथा होयो।

एमजि मटर्सआ एस्टरनि गोदान महर लन्च खालामदों

गोदान दिल्ली, 13 जनुवारी: ब्रिटिश अट'मबाइल कम्पानी एमजि मटर्सआ गावसोरनि एस्टरनि एमजि एस्टरनि मोनसे अपडेट भार्जन लन्च खालामदों। कम्पानीया गावसोरनि गासिबो रोखोमफोर स्प्रिन्ट, शाइन, सेलेक्ट, शार्प प्र' आरो सेबि प्रभाव एआइ सुबिथाफोर होदों। एमजि एस्टरआ मोनसे मिडसाइज एस्टरनि, बेनि एक्स-शरुमनि बेसेना 9.98 लाख रॉनिफ्राय जागायजेनो। कम्पानीजों एमजि एस्टर 2024 आव गोबां सोलाय-सोल' खालामनाय जादों। बेयो दा भेन्टिलेटेड प्रन्ट सीट, वायरलेस चार्ज, वायरलेस एन्ड्रयड अट', एपल कारपेले आरो अट'-डिभिग आइआरभिएम मोनो। आइ-स्मार्ट 2.0 खौ कम्पानीया गासैबो रोखोमफोरवा जौगा बाहायग्रा इन्टरफेसजों होदों आरो बेयो 80 नि बांसिन फोनांजाबनाय आखुथायफोरजों फेयो। बेवहाय जिअ' भइस सिस्टेम्बो दं, जाय गारि सालायनायनि मोन्दाथिखौ मोजां खालामो। एमजिनि गुबुन आखुथायफोरनि मादाव मोनसे पेन'शिमिक सानरुफ, मोनसे 360-डिग्री सानराउन्ड केमेर आरो मोनसे लेबेल 2 ए.डि.ए.एस.। एमजि मटर्सनिफ्राय एस्टर 2024 नि पावारट्रेनआव जेबो सोलायनाय



गैया। बेयो 1.5-लियटर पेट्रुल इन्जिन आरो 1.4-लियटर टर्बो-पेट्रुल मटरजों लोगोसे फेयो। कम्पानीहा मोनसे 5-स्पीड मेनुएल, सिभिटी आरो 6-स्पीड टक कनवर्टर इन्टिनट दं। गिबि खेबनि थाखाय एस्टरखौ 2021 माइथायाव एमजि मटर्सजों लन्च

खालामनाय जादों। बैसमाव बेनि एक्स-शरुमनि बेसेना 9.78 लाख रॉनिफ्राय जागायजेनेदोंमोन। बेखौ टाटा नेक्सन, महिन्द्रा एक्सइउथि7अअ, किया सेल्टस, हुण्डाई क्रेटा, स्कड कुशाकजों बादायलायनायनि थाखाय मानिनाय जायो।

TRI Transform Rural India
ट्रेन्सफार्मिं रुरल इन्डिया फाउन्डेसन

बड'लेण्ड हायुंआरि गौथुम (BTC)
बड'लेण्ड हेन्डलुम बिथांखि

बड'लेण्ड हायुंआरि गौथुमजों लोगोनांनै

ट्रेन्सफार्मिं रुरल इन्डिया फाउन्डेसन (TRIF)आ बि.टि.सि. सोरखारनि हेन्डलुम आरो टेक्सटाइल बिफानजों लोगो नांनानै बड'लेण्ड हेन्डलुम बिथांखिनि मावखांथि लोगोसोरजिनाय-आरोहाबाफारि मावफुनायाव मदनि थाखाय गोसो गुदु, रोंगथि थांनायआरो थुलुंगानाय लाइमोनफोरखौ नागिरासिनो दं, जाय बिथांखिनि सिडव हाबाफारियारि हेफाजाब इउनिटनि बाहागो जानानैखामानि मावनांगोना गाहायाव होनाय मासिफोरनि थाखाय आर 'जलायखौ हांखायहरनाय जादों।

मासिफोर	मासिनिअन्जिमा	दानारिबेध
(a) Textile Designer	1	60,000/-
(b) Assistant Textiles Designer	1	35,000/-
(c) Fashion Designer	1	60,000/-
(d) Assistant Fashion Designer	1	35,000/-
(e) Manager Merchandising (Production & Retail)	1	70,000/-
(f) Marketing Manager (Handloom)	1	70,000/-
(g) Manager Institution Building and Capacity Building	1	60,000/-
(h) Handloom Support Engineer	1	30,000/-
(i) Cluster Resource Manager	20	17,000/-
(j) Pattern Master	1	30,000/-
(k) Stitching operator	2	15,000/-

ना: गो: -

- गासैबो मासिफोरा 3 बोसेरनि सम फारिनि थाखाय, गाहाये थिखानाय बिथायाव आरो मावनानै दिन्थिफुनायनि सायाव बिथा खालामनानै बोसोरफोमबो गोदान खालामफिनजानाय जागोन।
- MS office (Spreadsheets, Word and Power Point) बाहायनायाव रोंगथि आरो data analytics रोंगथि थांनाय जाथारनगोन।
- सोरखारि मावखांथिफोरजों हाबा मावनायनि रोंगथि थांनाय आर'ज होगिरिफोरखौ बांसिन खावुहोनाय जागोन।
- ब'र' आरो अस'मिया रावनि रायज्जायनो आरो लिरनो रोंगथि थांनाय बांसिने खावु मोनगोन।
- Cluster Resource Manager निथाखाय, बड'लेण्ड हायुंआरि ओनसोलनि सिडवनि थागिबि विनायसाफोरखौ सायख'नाय जागोन।
- आर'जलाय हरनायनि जोबथा अक्ट': 25/01/2024.
- आर'जलाय हरनायनि लिंक: <https://forms.gle/NH1jDTR45YxY9bR7>
- बांसिन मिथिनो आरो बिबाननि गुदि खिथा मिथिबावनो थाखाय, एप्लिकेसन लिंख आरो आपदेटफोरनि थाखाय अन्नानै वेयाव थं: www.btrdevfellowship.in

IPR(BTC)-2023-24/1154

गोजां बोथोरनि समाव राजस्ताननि गल्डेन सिटिआव दावबायनायनि मोजां खाबु दड

गोजां बोथोरनि खाबु लानानै बांसिन सुबुंफोरानो दाव दाव जायगायाव दावबायो आरो शुट्टि फालियो। हादरनि गोजां बोथोराव दावबायथाव जायगाफोरनि गेजेराव राजस्ताननि सहर जेशलमेरआबो मोनसे सायख'जाथाव जायगा। बेखौ गल्डेन सिटि होन्नाबो बुंनाय जायो। मार्च दाननि उनाव बेयाव दावबायहेनाया गोब्राब जानानै फैयो। मानोना बेयाव बिदुड 40 डिग्रिन जौसिनाव थडे आरो बेयावनि बालाबारिनि गोखे बार बासनायजौं बायजोआव ऑंखारनाया गोब्राब जायो। थर बालाहामानि गेजेराव थानाय समायना बे सहरआव माखासे जारिमिनारि गोसो खांथि आरो मेहेलफोर दड; जायफोर नॉंथानि ट्टिपखौ अरायनि थाखाय गोसोखांथि खालामहोगोन। जेशलमेरनि दावबायथाव माखासे मख'जाथाव जायगाफोर जादों- 1. जेशलमेरनि किल्ला: बे किल्लाया इउनेस्कनि वर्ल्ड हेरिटेजआव थाफानाय, बेयो बयनिखुडुबो देरसिन लिभिं फर्ट एबा थाग्रा खरं। बेयाव आधिखालाव 5 रोजा सुबुंफोर दड। बेखौ गोमो सेन्ड स्वनजों



बानायदों आरो बेयो राजस्तानी आर्किटेक्चरनि समायना नमुना। बेयाव दावबायहेयोब्ला केनान पइन्टआव फट' क्लिक खालामनो हायो। लोगोसेनो फर्ट मिउजियामआ बेयावनि मेन एट्राक्शन एबा बयनिबो गोसो बोनो हानाय। 2. गरिसर बिलो: जायफोर सुबुंफोरा मिथिंगाजों निजोम थासारियाव सम हगारनो मोजां मोनो बिसोरनि थाखाय गरिसर बिलोआ मख'जाथाव स्पट। मोनसे समाव बे बिलोया जेशलमेर सहरनि थाखाय मोनसे गाहाइ दैनि फुंखा जायोमोन। बेयाव बटिं खालामनायनि खाबु दड। बिलोनिफ्राय जेशलमेरनि समायना नुथाइखौ नुनो मोन्नाय जायो।

3. कुलधारा गामि: बे गामिखौ भुट फेथानि गामिबो बुंनाय जायो। बुंनाय जायोदि, बेयो पालिवाल ब्रामणफोरनि थाग्रा जायगामोन। नाथाय हरजों हरनो बिसोरो बेयावनिफ्राय बबेहायबा थांदों मोन। बेनिफ्रायनो बे जायगाया लांदों जानानै दड। बे गामियाव गोबां मन्दिर आरो स्टेपवेल नुनो मोन्नाय जायो। 4. सेम सेन्ड डुन्स: बालाबारिनि जेरैबो बालाजों बुंफवनायनि गोजोन्नाय लानो गोसो गुदुं दावबायारिफोरा सेम सेन्ड डुन्सआव थांनो हायो। बेयाव सान ऑंखार आरो सान हाबनायनि समाइना नुथाइखौ

नुनो मोनो। लोगोसेनो बालाबारियाव उट गाखोनानै बेरायदिनो आरो जिप साफारि, डेजार्ट केम्पिं, फक डान्स, लकेल राजस्तानी जाग्रा-लॉग्रा आरो केम्प फायारनि गोजोन्नायखौ लानो हायो। 5. भारत-पाकिस्तान सिमना: जेशलमेर जिल्लाया हारिमायारि सिमना एबा भारत पाकिस्तान सिमनायाव दड। बेनिफ्राय लंगेवाला आरो थनत बर्डरआव थानानै बर्डर परस्ट आरो थनत बिमानि मन्दिरआव आर'ब गाबहैनो हायो। अदेबानि हारिमायारि सिमना साखाथियाव थानायनि थाखाय भारतीय सांथ्रि हान्जानिफ्राय गनायथि लानो गोनां जायो। □

आमेरिकायाव बारहुंखानि जाहोनाव 2,000 नि बांसिन बिरखंफोरखौ केन्सेल खालामदों



वासिंटन, 13 जानुवारी: आमेरिकायाव बारहुंखाया सोरगिदिं ख'हा खालामदों। बारहुंखाया ओरें बादि गोहोगोरामोनदि, बेयो रोजा रोजा न'फोर आरो नख'रनि मु.वा. - बे सा.द.फ.ेर.खौ फोजोबसांदों। रोजा रोजा बिफा-लाइफाफोरा बायदोंमोन आरो लामाफोरा ब्ल'क जादों। रोजा-रोजा गरिफोरा दैयाव गोदोदोंमोन आरो गावसोरनि थावनिनिफ्राय गोबां गोजानाव गोजावलांदों। बे गोहोगोरा बारहुंखानि जाहोनाव

आमेरिकायाव गं 2,000 नि बांसिन बिरखंफोरखौ केन्सेल खालामनाय जादोंमोन। बे रिपर्टखौ आमेरिकायाव फ्लाइट ट्रेकिं वेबसाइटआव होदों। आमेरिका नि खौरां बिजों रिपर्टफोरनि बायदिव्ला, हादराव गोजां बोथोरनि बारहुंखानि उनाव मिडवेस्ट आरो खोलायाव बिरखंनि गोबाव जानाय आरो केन्सेल खालामनायनि जाहोनाव गोबां दावबायारिफोर आमेरिका नि बिरखं गाथोनफोराव थावथानानै दड। शिकागनि अहारे गेजेर हायुंआरि बिरखं गाथोनाव

सौफैनाय 36 जौखोन्दो बिरखंफोरनि फ्राय 40 जौखोन्दोखौ बन्द' खालामनाय जादों आरो शिकाग मिडवे गेजेर हायुंआरि बिरखं गाथोननिफ्राय फैनाय आरो फैनांगौ बिरखंफोरनि 60 जौखोन्दोखौ बन्द' खालामनाय जादों। बेनि गेजेराव गुबुन गोहोम गोलैनाय बिरखं गाथोनफोरनि गेजेराव डेनवर इन्टरनेसनल आरो मिलवौकी मिशेल इन्टरनेशनलआ दं। खोला आमेरिकायाव गिखंथाव आरो बरफ गोग्लैनाय थासारिनि थाखाय मोब्लिबखौ बन्द

खालामना होनाय जादों। शुरुबाराव 150 मिलियननि बांसिन आमेरिकानि सुबुंफोरखौ मिडवेस्ट आरो गोखों बार बारनायनि बागै सांग्रांथि होनाय जादोंमोन। गोबां बिरखंफोरखौ बन्द' खालामनायनि जाहोनाव दावबायारिफोरा जेनाजों मोगा-मोगि जानांदों। फेडरेल एधिएसन एडमिनिस्ट्रेशनजों गोनांथार ग्राउन्डनि जाहोनाव बे सपाहयाव सानफ्रोमबो 200 नि बांसिन इउनाइटेड आरो अलास्का एयारलाइन्सनि बिरखंफोरखौ केन्सेल खालामनाय जादों। एफएए आरो बइंगआ दासिमबो मोनसे नायदिनाय प्रटकलआव गोरोबथा खालामनो नाजागासिनो दं, जाय बै बिरखंफोरखौ बिरफिनो गनायथि होगोन। गोजां बोथोरनि बारहुंखानि जाहोनाव बांसिन बिरखंफोरखौ बन्द' खालामनाय जादों। बारहुंखाया बे ओन्सोलाव मोब्लिब जगायनायावबो गोहोम खोखुलैदों। □

बोथोर बिफानआ बोथोरनि सायाव गोदान आपडेट होदों

गोदान दिल्ली, 13 जानुवारी: आधिखालाव रोजा खुवा खुनाया सा सान्जा भारतआव साग्लोबसारदों। बोथोर बिफाननि गोदान हमदांनायनि उनाव सुबुंफोरनि थाखाय जेनाया बांदों। बोथोर बिफाननि बायदिव्ला आधिखालाव गुसु जानायनिफ्राय रेहाय मोन्नायनि आसा गैया। फैगौ 2 सानआव सा भारत आरो साहा-सोनाब भारतनि हायेन ओन्सोलफोराव गोबां गुसु जानाय आरो खुवा खुनायखौ नुनो मोनबाय थागोन। दिल्ली एनसिआरआव गोबां गुसु जानाया सोलिबाय थादों। लोगोसेनो दिनें गासै दिल्ली एनसिआरआव रोजा खुवा खुनाय आरो गुसु जानायखौ लानानैबो बोथोर बिफानआ रेड एलार्ट फोसावदों। ट्रेपिकनि सायाव खुवा खुनायनि थॉजों गोहोमखौ नुनो मोन्दों। फैनो गोनां साननि



थाखायबो बोथोर बिफानआ येल' एलार्टखौ फोसावदों। दिल्लीयाव दिनें मेक्सिमाम बिदुड 19 डिग्री सेल्सियस जादोंब्ला गुबुन फारसेथिं मिनिमाम बिदुड 5 डिग्री सेल्सियस खाथि खालायाव थागोनखौ सन्देह खालामनाय जादों। बेनि अनगायै पान्जाब, हारियाणा आरो चन्डिगडआवबो रेड एलार्टखौ फोसावदों। फारसेथिं राजस्तानआवबो गुसु आरो खुवा खुनायनि येल'

एलार्टखौ फोसावनाय जादों। फैगौ सानफोराव बिदुडाव आरोबाव बांनायखौ नुनो हागौ। दिनें दिल्ली एयार क्वालिटियाव बांनायखौ नुनो मोन्दों। दिनें एकिउआइखौ 355 नि खाथियाव थिसन्नाय जायो। स्काइमेट भेडरनि रिपर्टनि बायदिव्ला 13-16 जानुवारिनि गेजेराव पान्जाब, उत्तर प्रदेश, हारियाणा आरो दिल्लीनि माखासे ओन्सोलफोराव फुंनि समाव रोजानिफ्राय बांसिन खुवा

खुनो हागौ। 13-16 जानुवारिनि गेजेराव फुंनि समाव सोनाब बंग, उरिषा, जम्मु, हिमाचल प्रदेश, बिहार, उत्तरखान्ड, नर्त मध्य प्रदेश, आसाम, मिजोराम, मेघालय आरो त्रिपुरानि माखासे ओन्सोलफोराव खुवा खुनायनि सन्देह दड। बेनि अनगायै पान्जाब आरो हारियाणानि माखासे ओन्सोलफोराव कल्ड डेनिफ्राय लानानै सिभियर कल्ड डेनि थासारिया सोलिनी हागौ। □

रंजालि गथ'फोरनि सौरा

गजल खन्थाइ

खन्थाइनि लैथोयाव सानसिनो दिनें मानोबा सोदोबानो

गोसोनि आइनायाव जाखां फैथाराखै मानो

जेराव गोसोनि सानसियाव नारेगथ थारेगथ जाबानो

जायो नामा- बिदिनो

रैदोम बर' माजदिया, बगुलामारि, बाक्सा

लेखा बिलाइबादि जिउआव

मोदैआ गाबनो होत्रानैबो बोहैबोया दिखारासो सोगाबो गोरलै गोसोखौ, जिउआ अन्थाइबादि गोराथार नड थेवबोदि देखुबजायो थुखा-थुखा।

जिउखौ इसोरासो सायख'नानै हरदों अब्लाबो थासारिखौ जौसो खालामदों थैले गोसोनि मोन्दांथिफोरखौ लानानै गोथौ लैथोमाखौ जौसो नायबिजिराखै।

गोसोआ आयना नड थेवबोदि नुयो मेगना सेबखांखा नड थेवबो नागिरो जेन जिउ नड बार-हादि सेरेबफोरा फाखनजों बुगथिजानाय बारसुमैसो।

अखांसेमानि अननायनि थ'फलायाव मानिबा रावफोरा खोनाफेरै जानानै अखा गैयि समावबो अखा खोरोमदों जेन जिउआ बोसोन गैयि जालांसोदों।

-निन्द बसुमतारी खाशिखत्रा (कुमगुरि), चिरां

आंनि हेंथा

सुस्त्रि निर्मल चन्द्र बसुमतारी

बे फैलाव बुहुम बिखायाव आं जोनोम लायो। जोनोमजों लोगोयाव आंहा गोरिब, आरो आलाइ-सिलाइ, जाहोनाव आं-जेब्ला हायाव लुट्टु-लुट्टा गेलेथिडो, सिख्लाइ एमफैया.... आंनि फेन्दा खेरफायाव अरफबो। जेब्ला आं उन्दुयो, उराव एम्फौफ्रा.... आंनि मोदोमाव खेब-खाब अरखुमायो। जेब्ला हराव आं गोदो गोदो उन्दुलाडो, आंखौ थाम्फैफ्रा अरगिललाडो। जेब्ला न'याव, जिरायगलाडो। आंनि मोदोमाव दावखुमैफ्र-मानसाव-खुम्प्राव अरफबो। आडो जेब्ला फरायसा जिउ-आंनि उदैया ओंखाम ओंखि गैयामोन। मालायनि गिजि गळं सिफोरखौसो गानोमोन, बिबादिनो बिफोरजोंसो आं फराय नाडोमोन। आं जेब्ला लाउखार हाग्रायाव मोसौ गुमहैयो, आंनि आइथिंफ्राव लुवारफ्रा अरगिललाडो। आं जेब्ला दाहोना दुब्लियाव हालेव हैयो-आलि दानो- खोयो मावो-आंनि आइथिंफ्राव बेदलावफ्रा ज'ज' बाथाबना अरगिललाडो आं जेब्ला सि जौसा हादानाव आबाद मावहैयो, सान-हर,मैदेर नेनानै मेगन मोदै-, आं उन्दुस'न लाडो जाजोबलाडो। जेब्ला आं मेघालयाव खैला जावहैयो आंनि लोगोया खैलाजों फबजाना थैलाडो। बेयावनो आं आला दिड-आंनि समा औरैनो गोबां जेनाजों सौग्रावना-आं फैफिन नाडो-बिदिनो आंनि हेंथा।

गजल खन्थाइ

लाइमोन बर' सेंग्रा सिख्लाफोर खन्थाइ रेबनो ऑंखारबोदो हुर हुर आरो लाइमोन गायामाखौ खालाम नॉंसोर हरदम बिलियाव खन्थाइ रेबना ग्रोम -ग्रोम थार जेराव लाइमोनफोरखौ बुंनाय जायो गोहो गोरा थार

रैदोम बर' माजदिया, बगुलामारि, बाक्सा

आयै...! आं दिनें सौफैबाय

थानाय दिनें मोनानि निजोम हर गेजेराव आंनि आवुडै गोदो-गोदो उन्दुलानाय एमनि सायाव थारै आं मोनसे गेबेडै सुदेम सिमां नुदोंमोन जाय सिमांखौ नुना आं जोबोर रंजाखांदोंमोन। सिमाड थारै एरैहाय मोनजे -जेब्ला आं सौरा न'आव अन देगासिनो दंमोन मानोना, आं इंखिखौ अनलाजों-दावजों संनो लादोंमोन बि समावनो- "आयै, आयै; न'आव गैया नामा?" रावजों-आंखौ सोरबा गाबत्रिफैयो। "आयै",.....आंखौ सोर बिदि गाबत्रिफैयो? अ थुरै गाइहेनखौ आखायाव लामारनो आं रावगैयाजासे ऑंखारना नायखंखियो, अब्ला-बियो आंनि खाथियाव दावबोना बुडो- "आयै....! आं दिनें सौफैबाय, आयै....! आंनि खुलुमनाय नाजाव; आयै....! आंखौ खेमा होदो, आयै !!!" बिदि होनानै बियो आंखौ गुग्नु खुलुमो। अब्ला आं जोबोर गोमोयो बिखौ गल'-ल' नायबाय थायो। मानोना, आंनि फिसा जिउमाआ न'आव फैयैआ, आं बिखो नुयैआ; देगलायजों जिबा बोसोर जाबायमोन। आंनि गल'-ल' नायगोमानायाव बियो फिनो- "आयै....! आं जिउमा आयै, आं जिउमा!" "जिउमा.....!" अब्लासो आडो दहमै हुस मोनखाडो आखायनि गाइहेनखौ सा नागारसारी आरो फिसा जिउमाखौ फाफिलआव हमना बोखाडो बिखौ आं खर'आव बिलिरना गाबनो हमो। आरोबाव आं फिसानिआव सौंबावयो- "फिसा.....! नोंखौ माथो बयबो गैलासो होनबायमोन, बै भुटान हादरनि जानाय दावहायाव नोंखौ जिउ गोमानांबायसो होनदोंमोन?" अब्ला-फिसाआ आंनो फिनदोंमोनजे- "आयै...! सुबुंनि रावफोरा बिदिनोसै, रावनिखौबो राव फोथाय जाला!"

मिथिसार ब्रह्म बानुगाव

हा फिसा हौवा दाव

आय' हा फिसा हौवा दाव मादि फिसा हौवानि दुखु जानांनय उलु खलु बिथिंनय सानसुनि दुहाव समाव बायलु देखोनि गारांजों जोमे सेर सेर रादाब होफेयो नों मिलौ हाब सल बाथा सैथो जुगनि। लाथिख' अखांनि सा सा मंनया गैया जिरायनाय गैया। बे मोकथौ मुलुकयाव गोसोया आंनि गलिलांयो। नॉनि जिउनि सायाव।

सिबसि ब्रह्म दुमरगुरि गामि- उमानगर (दतमा)

भवानिपुर बियाबाव मोन 9 दै जगायथाय बिथांखि बेखेवदों

भवानिपुर, 13 जानुवारी: भवानिपुर बिधान सभा बियाबनि गुबुन गुबुन जायगायाव दिने बियाबनि एमएलएल फनिधर तालुकदारआ आलादा-आलादायै मोन 9 गोदानै लुनाय दै जगायथाय बिथांखि बेखेवनानै होयो। मख'नो गोनादि, फनिधर तालुकदारआ भवानिपुरि खाथियाव थानाय बगेमारि गामियाव आसाम सरकारिनु सुबुं देहा आरो आरोंदायारि बिफानि बजालि डिभिजन सिडाव गोदानै लुनाय बगेमारि दै जगायथाय बिथांखि लो गोसे बे जायगायाव नो कहरा दै जगायथाय बिथांखि, कुर'बाहा फोथार दै जगायथाय बिथांखि, भवानिपुर दै जगायथाय



बिथांखि, तापा पानि जगायथाय बिथांखि, गेरुवापारा दै जगायथाय बिथांखि, कटवारि दै जगायथाय बिथांखि, गमुरा दै जगायथाय बिथांखि रो रौमारि दै जगायथाय बिथांखि आलादा-आलादायै बेखेवनानै होयो। मोन 9 दै जगायथाय

बिथांखि बेखेवनाय हाबाफारियाव बजालि जिल्ला बेंगिरी मृदुल कुमार दासआ जर'खा आलासि महरै बाहागो लानानै बिबुंथि होनायजों लो गोसे सुबुं देहा आरो आरोंदायारि बिफानि बजालि डिभिजन सिडाव गोदानै लुनाय बगेमारि दै जगायथाय बिथांखि लो गोसे बे जायगायाव नो कहरा दै जगायथाय बिथांखि, कुर'बाहा फोथार दै जगायथाय बिथांखि, भवानिपुर दै जगायथाय

सन्दिप पाल, लो गो मावफु इन्जिनियर नितुल तालुकदारजों लो गोसे माखासे गागि सुबुंफोराबो बाहागो लायो। बगेमारिआव दै जगायथाय बिथांखि बेखेवनानै एमएलएल फनिधर तालुकदारआ बुडेदि, हादतनि सुबुं सम्पदखों

रैखाथि होनो थखाय गाहाइ मन्थि नेन्द्र मदिआ नख'र-नख'र गोगो लोंग्रा दै जगायथाय बिथांखि जल जीवन मिशन बिथांखि आजावदों। आसामावबो गिबि मन्थि हिमन्त बिश्व शर्मानि दैदेनायाव आसाम सरकार जल जीवन मिशन बिथांखि थि महरै मावफुनानै सुबुं सम्पदखों रैखाथि होनायाव हेफाजाव होदों। एमएलएल तालुकदारआ बुबावोदि, भवानिपुर बिधान सभा बियाबाव दिने बेखेव जानाय मोन 9 दै जगायथाय बिथांखि लुफुनोयाव गासै 1199.43 लाख रं बाहायदों आरो बे मोन 9 दै जगायथाय बिथांखि गेजेरजों गं 3798 नख'रफोरनो दै जगायथाय होनाय जागोनो होनाय नै बो बिथाइ बुडे।

मानास बिधान सभा बियाब जौगाखां आफादनि मावफुं मेल खुदों



आनन्द बाजार, 13 जानुवारी: बाक्सा जिल्लानि सालबारि महकुमानि सिडाव थानाय शंकरदेव शिशु निकेतन, गाथियाव गोदानै दाफुंनोयाव मानास बिधान सभा बियाबखी लानानै मानास बिधान सभा बियाब जौगाखां आफादनि गिबि मावफुं मेलखों मैया मोनाबिलियाव

खुडे। मानास बिधान सभा बियाब जौगाखां आफादनि मावफुं मेलखों लोब्बा लाखिनानै सालबारि महकुमा खौरंगिरी आफादनि सा 9 खौरंगिरीफोरखों गांफा-गांफा बिहु फालि आरो गांफा-गांफा डायरिजों मानास बियाब जौगाखां आफादआ जर'खायै बरायो। मेलाव दिनेश बसु, मन'रन्जन तालुकदार, प्रदिप नाथ मोनखौबो गांफा-गांफा बिहु फालिजों बरायनाय जायो। मख'नो गोनादि, मानास बिधान सभा बियाबनि समाजारि, हारिमुवारी, सोलेंथाइ, गेलेमु, लाइमोन अन्साय, आइजो अन्साय आरो आइजो गोखोंथिनि सार्थआव मानास बिधान सभा बियाब जौगाखां आफादआ खामानि मावलांनयजों लो गोसे मानास बियाबनि दरफुमबो गामियाव गंफा-गंफायै गामि जौगाखां आफाद दाफुंनानै गंफुमबो नख'रनि साफा-साफा सोद्रोमाखों गामि जौगाखां आफादयाव सोसन्नानै रइजो-राजानि जेनाफोरखों सुखानो

नाजागोनो होनायै आफादगिरि धिराज देउरिआ मिथिहोयो। बे मावफुं मेलावनो सुभाष तिकि, दिनेश बसु, मन'रन्जन तालुकदार, महन नाथ, बसन्त कुमार दास, रहिधर दैमारी, ठाकुर मेध, गगन दास, साहजाहन आलि, प्रदिप नाथ, निलाम्बर नाथ, भुवनेश्वर दास, धनन्जय दास, बिरेन गयारी मोनहा बाहागो लायो। धिराज देउरिखों आफादगिरि, मनज बसुमतारिखों नेहाथारि, निकुन्ज कलिता, रिंकु नाजारी, देबेन नाथखों लो गो नेहाथारि, कबिन नाथखों गाहाइ नेहाथारि, मकिबर गौर, सन्जिव बर्मन, कपिल नाथ, राजिव सिग्गा, प्रानकृष्ण रामसियारी, नयन दास, बाबुल चन्द्र पाल, सानिदुल इस्लाम, जिन्तु कलिताखों फोसावदि नेहाथारि, दिपक नाथ, तपधन रबिदास, खनिन दास, रन्जित नाथ, प्रानजित राजबंशिखों गेलेमु नेहाथारि महरै सायख'नानै गोखों मानास बिधान सभा बियाब जौगाखां आफादखों दाफुंनय जायो।

जरेगाव-हरिगावयाव समायना गोसो बोनो हानाय शिबलिंग महरनि बेलागुर लुनानै बाख्नाय जादों

बासुगाव, 13 जानुवारी: मिथिगायारि सोर्जिथाय जोबोद सुहाबनायजों गोर्जानायखों नेवनिनानै मागो-दमासिखों बरायनो थखाय रइज्योजों लो गोसे आफां आसामआवबो साखा-फार जादों। मख'नो गोनादि, दमासिखों लोब्बा लानानै आफां आसामनि जर'खायै कच राजबंसि समाजयाव चिरा, बायदि रोखोमनि लाडु, फिथानि अनगायैबो माइब्रा माइरंखों थालि बिलाइयाव जुनानै संनाय जाग्रा मुवा थियारि खालामनायाव नख'रफोरनो साखा-फार जादों। गुबुन फारसे मागो दमासिखों लोब्बा लानानै बायदिसिना महरनि बेलागुर लुनायावबो बे ओन्सोलनि रइजो-राजाफोर उ न जानानै थायाखे। बेनि गेजेरवोनो कक्राझार जिल्ला सालाकाटि उफ्रा पुलिस बादानि सिडाव थानाय जरेगाव, 2 नं. हरिगावनि थारिगिरि लाइमोनफोर लमो जानानै गिदिर-गिदिर महरनि शिबलिंग बेलागुर लुना दिहुदों।



थं 15/16 औवा, 5/6 तेलगारिनि माइ जिगाबजों लुनाय शिबलिंगनि बेलागुरखों अरजों सावालासेनो गोबाव सम लाखिगोन होना लुगाफोर मिबथिहोदों। साखाथियावनो लुनाय गुबुन मोनसे औवा-माइ जिगाबजों लुनाय बेलागुरखों उरुकायाव सावनानै बेनि बिदुंखोंसो लागोन होना मिबथिनो मोन्दों। मख'नो गोनादि, बेनि सिगां गिदिर महरनि यइटनिक जाहाज, ट्रक बायदि माइ जिगाब-औवाजों लुनानै ओन्सोलयाव मुंदांखा जानो हादोंमोन होनायै कालिफुरि भिसिडिसिनि सियारमेन राहुलजित रायआ मिबथि होनानै ओन्सोलनि गथ'सा-लाइमोनफोरखों इयुनाव गोदान-गोदान सानखांथिजों बेलागुर सोर्जिनायल' नडा, गुबुन गुबुन आयदाफोरवबो सिगांलानानै मुंदांखा जानो हानायजों लो गोसे जिजनि लामायाव सिगांलानो खालायो।

1 बिलाइनिफ्राय

दमासियाव बेसेबां गेदेर नाखों जागोन?

गोबाइजो आंगोनि मोजां मोन्याय गिदिर नाफोरखों जानायनिफ्राय जानगाराव थानो नाजायो। नाथय नानि मेजेमआ गुबुंफोरनि देहानि थखाय ख'हा गोनांमार नामा? फिसा ना जानायनि मुलाफ्फाजों लो गोसे गिदिर नाफोर जानाया देहानि थखाय बेसेबां ख'हा गोनां बेनि गुबै फोरमान मिबथिनो मोनो? नानि देरनायखों गोखे बांहोनो ना फिसिग्राफोर माल्लाबा नानि देहायाव गुबुन गुबुन हरमनखों थुनानै होयो। बेनि अनगायैबो माखासे ना फिसिग्राफोरा नायाव गोबां बिबांनि हरमन आरो एन्टिबायटिक बिजि थुयो। बेबायदि नाखें जायोबला सुबुं देहानि थखाय गोबां ख'हा गोनां जानो हागौ। बेनि थखायनो हाथाइनिफ्राय गिदिर-गिदिर बायनायखों बायनाया गाहाम। हानायमानि फिसा-फिसा ना जानायनो गाहाम। फिसा नाया देहानि थखाय जोबोद मुलाफ्फा गोनां। फिसा नाया माल्लाबा बाडाइ बेसेननि जानो हागौ। माल्लाबा बेसेन गोसाबो जानो हागौ, नाथय फिसा नायाव पुटि गोनांजों जायो। मख'नो गोनादि, गिदिर नाखें सप्ताहयाव खेबसे जानो हायो। 100 ग्राम नायाव 20.3 ग्राम प्रटिन थयो। लो गोसे केलसियाम, आइरन, पसपरास आरो भिटामिन ए थयो। नानि केलसियाम, आइरन, परपरासआ सुबुंनि नुनाय गोहोखें मोजांडे लाखियो। बेनि अनगायैबो बेगें हार आरो हाथाइनि सायावबो केलसियामआ जोबोद मुलाफ्फा गोनां। 100 ग्राम फिथिखि नायाव 144 केलरि थयो, जाय सुबुं देहानो गोहो होयो। गुबुन फारसे, गिदेर नायाव गोबां बिबांनि ख'हा गोनां मेजेम थयो। देहायाव कलेप्टेरलनि बिबांखों बांहोनो। गिदिर नाखें बांसिनथारै जानायनि जाहोनव बिखानि बेराम आरो गुबुन गुबुन बेराम सोमजिनो हागौ। बेनि अनगायैबो गुजुख'नो हायै आरो बादबिषनि बिथिडाव गेदेर नाया जोबोद ख'हा गोनां जानो हागौ होनायै सानाय जायो।

कंग्रेसनि गागि दैदेनगिरि उपर्व भत्ताचार्यआ दोलोनि बिबानखों एंगारबाय

मोनाखें होना फोरमायना होदों। खौरं बिजोनि सिगाडव भत्ताचार्यआ बुंदोंदि, बे समनि आसामनि गिबि मन्थि तरुन गपेनि दैदेनायाव कंग्रेसयाव हाबदोंमोन। बिथाइ बुंदोंदि, गागि कंग्रेस दैदेनगिरिनि सायाव फोथानाय लाखिनानै आरो माखासे जाथायफोरखों नायनानै बिथाइ 2013 माइथायाव दोलोयाव हाबफैदोंमोन।

आर्यभत्त एकाडेमियाव दमासिनि उरुका खुदों

भवानिपुर, 13 जानुवारी: भवानिपुर बियाबनि सिडाव थानाय सरुपेटनि गोर्जौ थाखोनि सोलेंथाय फसंथान आर्यभत्त एकाडेमि सिनियर सेकेन्डारि फरायसालियाव दिनेनिफ्राय आसारखान्थि बायदियै सोलिबोनाय नेमखान्थिजों मोनसे गोर्जोन रंजाथयजों मागो दमासि (भगाली बिहु) नि उरुका खुनाय जादों। आर्यभत्त एकाडेमि सिनियर सेकेन्डारि फरायसालि लो गोनायाव सानसेनि हाबाफारिजों खुनाय मागो दमासि उरुकानि जागायजेनायावनो साननि 9:00 रिंगायाव फरायसालिनि गोरायुं किशर कुमार चौधुरीआ बराय बिबुंथि लाखिनानै मागो दमासिनि सायाव बिजिथयाव बिबुंथि होयो। बेनि उनावोनो साननि 10:00 रिंगायाव मोनसे धोरैमारि गोदो-गोदायनिफ्राय सोलिबोनाय आसारखान्थिजों बेलागुरखों



खौरंगिरी राजिव तालुकदारआ अ सावना होयो। बेनि उनावोनो बिहुनि आरिमुगिरिफोर लो गोसे आर्यभत्त एकाडेमि सिनियर सेकेन्डारि फरायसालिनि गासै 500 निखुइ बांसिनि फोरेंगिरि, मावसुमा, फरायसाफोर जायै गोबलां बिहु मोसाना दिन्थियो। बिहुनाम दिन्थियाव, दल, ताल, पेपा, गगना बायदिफोरनि रिखानायाव आर्यभत्त एकाडेमि सिनियर सेकेन्डारि फरायसालिया गोमखाडे। बेनि उनावोनो मागो

दमासि उरुकाजों लोब्बा लानानै साननि 12:00 रिंगायनिफ्राय जर'खा सोलेंथायगिरि आरो आर्यभत्त एकाडेमि सिनियर सेकेन्डारि फरायसालिनि गाहाइ फोरेंगिरि माधव चन्द्र पाटवारिनि आफादगिरि मासि सामलायनायाव बान्था सानाय मेल खुनाय जादों। आर्यभत्त एकाडेमि सिनियर सेकेन्डारि फरायसालिनि लेडाइ गोरायुं दिलिप कुमार मेध आरो लो गो गाहाइ फोरेंगिरि कुशल बर्मन

अरुणाचल प्रदेशनि लंडिं जिल्लायाव रैखाथि हाब्जाया आइएमनि सा 6 उतरवारिफोरखों दमन्दों

इटानगर, 13 जानुवारी: अरुणाचल प्रदेशनि लंडिं जिल्लायाव रैखाथि हाब्जाया एनएससिएन-आइएमनि सा 6 उतरवारिफोरखों हमनो मोन्दों। उतरवारिफोरखों हमनो हानायजों लो गोसे हाथियार आरो गला बारुदबो बोखानो मोन्दों। लंडिं सहर आरो नियाउसा ओन्सोलआव पेमगिलिटारि पर्स आरो लंडिं पुलिसआ जुथाइ अभियान सालायदोंमोन। लंडिंनि एस्पि डेक्कि गुमजाया शनिबाराखलि बुंदोंदि, बे अभियाननि समाव बृहस्पतिबाराखलि बिग्रायारिफोरखों ग्रेप्टार खालामनाय जायो। एस्पिआ फोरमायबावदोंदि, सोथि सोनाय समाव ग्रेप्टार खालाम जानाय केडाफोर फोरमायदोंदि,



गावसोरनिनाया नकनु आरो कासा गामिनि गेजेरव थानाय मोनसे जायगायाव गोदान मुगानि हाथियारफोरबो दडमोन। बियो फोरमायबावदोंदि, ओन्सोलआव नायबिजि बरवानानै गंथाम एमकिउ एसल्ट राइपलफोर, डेट'नेटर, मबाइल फन आरो गुबुन

दावहा नांग्रा मुवा-बेसादफोरखों बोखानो हादों। पुलिस बिबानगिरिया फोरमायबावदोंदि, लंडिं पुलिस स्टेसनआव हाथियार नेम-खांथिनि गेजेरजों के स थिसन्नाय जायो आरो नाइबिजिनया सोलिगासिनो दड। ग्रेप्टार खालामजानाय

1 बिलाइनिफ्राय

फैगौ लकसभा बिसायख थियाव..

राजाफोरजों सावरायनानै खौरं लानायखों नुनो मोन्याय जादों। मख'नो गोनादि, लकसभा बिसायख थिनि थखाय बिटिसिनि इन-चास अजय नाजरीनि दैदेनाय आम आदमी पार्टिनि मोनसे हाब्जाया दिने कक्राझार जिल्लानि बाउखुंरि बियाबनि बासबारि ओन्सोलनि माखासे गामि-गामि हाब्जा सुरनाय हाबाफारि लायो। हाब्जा सुरनाय हाबाफारिनि गेजेरजों कक्राझार जिल्लानि सिडाव थानाय माखासे गोर्लेसोनाय गामिफोरनि थासारिनि सायाव नायगिदिनायजों लो गोसे सरसनखा रइजो-राजाफोरनि गेजेरव राजखान्थियारि संग्राथि लाबोनो नाजायो। फैब्राय थानाय लकसभा बिसायख थियाव भासतनि गुबुन गुबुन रइज्योफोरव बाहागो लानायजों लो गोसे आसामावबो गोखोंडे बाहागो लागोन आम आदमी पार्टिआ। बेजों लो गोसे कक्राझार लकसभा बियाबबो बिसायख थि गेलेनाय रेखा जानयनि बाभ्राखों मिथिहोदों आसाम आम आदमी पार्टिनि दैदेनगिरि अजय नाजरीया।

एनसिएसएसएसिआव बिजेपिनि..

होनायै बुडेदि, बिजेपिनि सुबुंफोर बिथोनमा होदों। एनसिएसएसएसिनि बिसायख थिआ पिएम मदिनि जौगाखां एजेन्डारिनि सायाव बिथानि फोथानायखों मिथिहोयो। सिएम शर्माआ बुंवावदों, बे समायना ओन्सोलाव गासै 35 जौखोदो सुबुंफोरा खूटन समाजनि। बिसेरनि बोर सारस्तिनायाव लो गोसेयै जौगाखां आरो बर्यनिबो जानाया जाफुंसारनि होदों। गिबि मन्थिआ बे बिसायख थियाव देरहानयनि थखाय बिजेपि मावसुमाफोरनो बिसेरनि स्वस्थ' खालामनायनि थखाय साबायख'र बाउदों। मिथिनो मोन्याय बादिक्ता, एनसिएसएसएसिआव सा 30 सोद्रोमाफोर दड। बेरफारसै 13 थि एनसिएसएसएसिनि थखाय दैटआ थानाय 8 जानुवारीआव जादोंमोन आरो 85.78 जौखोदो भटखों देखांनो मोदोंमोन। भटआ दिमा हासाव जिल्लानि मोन 22 बिसायख थि बियाबफोरनि मोन 231 भट होग्रा मिरफोरव गोजेनै जेबना थानोंमोन।

1 बिलाइनिफ्राय

लकसभा बिसायख थियाव बिपिएफ दोलोआ..

तामुलपुर जिल्ला लाइमोन बिपिएफनि गाहाइ नेहाथारि दैमालु बर'नि सामलायनायाव खुनाय जइनि हाबफैनाय हाबाफारियाव हाग्रामा महिलारीआ बे बिबुंथिखों होदों। तामुलपुर जिल्ला लाइमोन बिपिएफनि बान्जानायाव खुनाय बे गौमायाव बिथाइ फिन बुंदोंदि, बिटिसि रादायाव दुलाराय बर' फरायसा आफादआ गनायथि होयाखेमोन। थानाय 17 बोसोराव बिपिएफ दोलोआ मा खामानि मावदों बेखें रइजो-राजाफोर बुंगोन, प्रमद बर'आ बुंनो नाडा होनानै बिटिआरनि गाहाइ प्रमद बर' आरो दुलाराय बर' फरायसा आफादखों गोखोंडे सोंखारिनाय बिबुंथि होयो। दिनेनि बे गौमायाव तामुलपुर जिल्लानि गासै 900 निखुइबो बांसिनि लाइमोनफोर बिपिएफ दोलोआव हाबफैयो। बे हाबाफारियाव मिरु लाइमोन बिपिएफनि मावफुं आफादगिरि रिन्जय बर', गाहाइ नेहाथारि चरत दास, बिएसइउनि लेडाइ आफादगिरि फुंखा बर', गाहाइ नेहाथारि चानगौरा बसुमतारि, दोलोनि नेहाथारि कास्तम बसुमतारि, बिपिएफनि मिरु गाहाइ नेहाथारि मनेश्वर बर', तामुलपुर जिल्ला बिपिएफनि आफादगिरि महेश्वर बसुमतारि, बिपिएफनि बारग' गाहाइ नेहाथारि इमानुयेल मुसाहिरमोनजों लो गोसेनो माखासे मिरु आरो तामुलपुर जिल्ला लाइमोन बिपिएफनि दैदेनगिरि-मावफारियाफोरा बाहागो लाफैदों।

बिकेडब्लिउएसिखों आसाम सरकारा थाबैनो ...

मेहेर गोनां सावरायनायाव ग'गामुख दखरा दुलाराइ बर' फरायसा आफादनि आफादगिरि सन्जय गयारिनि आफादगिरि मासि सामल्लानायाव मेलखों बेखेवनानै होयो धेमाजि जिल्ला एबसुनि बारग' बुंथिगिरि सुजित बसुमतारिआ। बे हाबाफारियाव गाहाइ आलासि महरै मिरु एबसुनि नेहाथारि बड'सा ब्रह्मआ बुडेदि, दुलाराइ बर' फरायसा आफादआ रइजो-राजानिनो आफाद आरो बर' रइजो-राजानि खैफोदनि समाव संथाबोबाय थानों। जेब्लासिम बर' हरिया बुहुमाव थानानै थागोन अब्लासिम दुलाराइ बर' फरायसा आफादखों रावबो लोरबां खालामनो एवा फोजोबनो हानाय नडा होनानै बिथाइ फोरमायो। बिटिआर गोर्जोन गोरोबथाजों फैफानाय बिटिआरनि बाइइयाव थानाय बर'फोरनो बिकेडब्लिउएसि होनाय जादोंमोन। बेनिनो गामि सोसन्नाय-दानख'नाय आरो बिसाइख थि खुनांगोया उ न जानानै थालांबाय, बे खामानिखों आसाम सरकारआ थाबैनो मावफुंनानै होनांगो होनानै रइज्यो सरकारनिमिम बिथाइ खालवायहरो। बे हाबाफारियाव बड'सा ब्रह्मजों लो गोसे धेमाजि जिल्ला दुलाराइ बर' फरायसा आफादनि आफादगिरि तेनजिं बर', धेमाजि जिल्ला एबसुनि बोसोनगिरि सिबराव बसुमतारि, धेमाजि जिल्ला एबसुनि गाहाइ नेहाथारि उदां बि बड'सा, गुबुन गुबुन बर' माहारियारि आफादनि दैदेनगिरि आरो फरायसा दिथागिरि रइजो-राजाफोरनि नुजाथिनायाव हाबाफारिया मेहेर गोनाडे खुंफुंजायो।

1 बिलाइनिफ्राय

सावथुन मेरि क्रिसमासआ गिबि सानआव सरासनस्रा रां आरजिनो हादों

केट्रिना केफ आरो भिजय शेटुपटिन सास्पेन्स थ्रिलर सावथुन मेरि क्रिसमासआ थारैनो 12 जानुवारियाव सिनेमाहलफोरव रिलिज जायो। सावथुनआ नायगिरिफोररजों लोगोसे सावथुननि संदानगिरिफोरनिफ्रायबो पजिटिभ फिनजाथाइ मोन्दों। क्रिसमासआ बक्स अफिसआव गिबि सानआव जरखा रां आरजिनो हायाखै। केट्रिना केफ आरो भिजय शेटुपटिन सावथुनआ गिबि सानआव बक्स अफिसआव जाफुसार्नो हायाखै। मेरि क्रिसमासजों



लोगोसे प्रशान्त भर्मानि सावथुन हनुमानआबो सिनेमाहलफोरव रिलिज जादों। पर्दायाव केट्रिना आरो भिजयनि जरखों गिबि

खेब नुनो मोन्दों। केट्रिना केफ आरो भिजय शेटुपटिन सावथुन मेरि क्रिसमासआ गिबि सानआव मोजां रां आरजिनो हायाखै।

शेकनिलकनि बायदिल्ला श्रीराम राघवननि बिथोन होनाय बे सावथुनआ गिबि सानआव 2.55 कौटि रंखोल' आरजिदों

आरो 11.56 जौखोन्दो एकउपेन्सिखौ नुनो मोन्दों। शुक्रबारखालि सावथुनआ तामिल आरो तेलुगु रावआव सरासनस्रा रां आरजिदों। मेरि क्रिसमासनि सल'आ सानै सिनाय मोनै सुबुंफोर लोगो मोनलायनायनि सायाव बिथा खालामनाय। सावथुन क्रिसमासखौ श्रीराम राघवनआ बिथोन होदों। फरसेथिं सावथुनआव केट्रिना, भिजयनि अनगायै सन्नय कापुर, भिनय पाठक, प्रटिमा काज्मी, तिनू आनान्द, आश्विनो काशेकर आरो राधीका आपटेखौ गाहाइ फावआव नुनो मोन्दों।

हलिउडनि फावखुंगुर पितर क्रम्बिआ रुंसारि जाबाय

हलिउड सावथुन इन्डास्ट्रीनिफ्राय मोनसे दुखुनांथाव खौराड सोराडाव फादों। हिट स्व' सिनफिल्डआव क्रे जि ज' देभलानि फाव खालामनायनि थाखाय मुंदाखा जानो हानाय फावखुंगुर पितर क्रम्बिआ बुधबारखालि 71 बोसोर बैसोआव रुंसारि जायो। फावखुंगुर पितर क्रम्बिनि रुंसारि जानायनि खौरांखौ बिन आगुनि बिसि नादिन किजनरआ गावनि सशेल मिडियाआव होदों। हलिउडनि फावखुंगुर पितर क्रम्बिनि रुंसारि जानायजों सावथुन इन्डास्ट्री आरो बिन फेन्सफोर दुखुनि थासारियाव गोलैदों। फावखुंगुरनि आगुनि बिसि नादिनआ टिएमजेटनो फोरमायदोंदि, फावखुंगुरआ बैसोजों सोमोन्दो गोनां बेराम

जानायनि जाहोनाव रुंसारि जायो। किजनरआ इन्सटग्रामाव गावसोरनि जुलिन सावगारिफोरखौ शेयार खालामनायनि लिरदों, बेखौ गाव गोबां दुखुजों शेयार खालामदों, मानोना गावनि आगुनि फिसाइआ रुंसारि जाबाय। बिजों लोगोसे गावनिनाय गोबां गोसोखाथिफोर दडआरो बियो सासे मोजां सुबुंमोन। बिखौ बेनिखायनो बयबो मोजां मोनो मानोना बियो थारैनो मोजां सुबुं। 1992 आव क्रम्बिखौ हिट स्व' सिनफिल्डनि सिजन 4 आव क्रेजि ज' देभलानि मोजां फाव खालामनायनि थाखाय मोनथिनाय जायो। बे फावजों बियो सावथुन इन्डास्ट्रीआव मोनसे आलादा सिनायथिखौ सोरजिनो हादों। बियो 1997 नि



मिमि सिरिज हाउस अफ फ्रेन्कस्टिनआव फ्रेन्कस्टिन क्रिएसरनि फाव खालामदों। फारसेथिं टिभियाव फाव खालामनायनि बाथाखौ बुडेब्ला, बिखौ माखासे टिभि स्व' जैरे फाफेक्ट स्ट्रेन्जार्स, आमेरिकान

प्लेहाउस, एस डा वार्ल्ड टार्स, एड्स. इ. एल. पि, ल' एन्ड अर्डर, स्टारट्रेक: दिप स्पेस नाइन, एल.ए.ल, एल.ए.फायरफाइटर्स, पिकेट फेन्सेस, एनवाइपिडि ब्लू और वाकर आरो टेक्सास रेन्जरआव नुनो मोन्दोंमोन। 80-

90 जौथाइयाव बियो माखासे सावथुनफोराव फाव खालामबोदोंमोन।

स्कूल प्रिट सिंरवौ जेकि भगनानिजों राम मन्दिरआव दर्शन खालामनाय नुनो मोन्दों



सावथुन इन्डास्ट्रीनि बयनिखुइ मुंदाखासिन जय स्कूल प्रिट सिं आरो जेकि भगनानिया डेटि लाइफनि उनाव जुलिखौ लानानै खौराडव थाबाय थादों। स्कूल आरो जेकिखौ गोबां खेब लोगोसेयै इभेन्ट, पाटिफोराव स्पट खालामनाय जाखांबाय।

स्कूल प्रिट सिं आरो भगनानिखौ राम मन्दिर प्रतिमुर्ति रटआव पुजा खालामनाय नुनो मोन्दों। जेकिआ सशेल मिडियाआव मोनसे सावगारि आरो भिडिअखौ शेयार खालामदों। जेराव बिसोर सानैखौ लोगोसेयै पुजा होनाय नुनो मोन्दों। रकुल

आरो जेकिनि जुलिया फेब्रुवारि दानाव गवायाव जानायनि सन्देह दड। बाथा गोसारनायनि सिगां बे जरखौ 12 जानुवारियाव मुम्बाइयाव राम मन्दिरआव दावबायनाय नुनो मोन्दों। सावथुन मेकारआ शुक्रबार मोनाबलि समाव मोनसे स्पट

शेयार खालामदों। बेवहाय बिसोर सानैखौ राम मन्दिरआव आखाइ खबजबनानै खुलुमनाय नुनो मोनो। इन्सटग्रामाव स्पट खालामनाय सावगारियाव रकुलखौ गोथां गावनि सुटआव नुनो मोन्दों। फारसेथिं जेकिखौ गोमो गावनि कुर्ता-फाइजामा गानाय नुनो मोन्दों। मख'नो गोनांदि, रकुल आरो जेकिआ गोलाव समनिफ्राय डेट खालामबोदों। बे जरया 2021 याव गावसोरनि सोमोन्दोखौ सशेल मिडियाआव मावख'थारि फोसावदोंमोन। रकुलखौ जोबथा खेब साइन्स-पिक्सन तामिल सावथुन अयलानआव नुनो मोन्दोंमोन। बिजों लोगोसे सिभ कार्तिकेयनखौबो गाहाइ फावआव नुनो मोन्दोंमोन।

भिधु बिनद चप्राया 12 वि फेलनि शुटआव भिक्रान्ट मेसिनि स्टारडमखौ नुनानै गोमोदोंमोन

भिक्रान्ट मेसिनि सावथुन 12 वि फेलआ 2023 नि 27 अक्टबरखालि सिनेमाहलफोरव रिलिज जायो। नायगिरिफोर आरो क्रिटिक्सआ सावथुनखौ गोबां बाख्नायदों। सावथुनआ नख'रारि बक्स अफिसआव 100 कौटिनिफ्रायबो बांसिन रंखौ आरजिदों। नाथाय बेखौ बयनिखुइ बांसिन हाइफ अटिटिआव रिलिज जानायनि उनाव मोन्दों। अटिटिआव रिलिज जानायनि उनाव भिक्रान्ट मेसिनि सावथुन 12 वि फेलखौ मास लेभेलआव नायो आरो सुबुंफोर बे सावथुनखौ बाख्नाया लासे थानो हायाखै। सरासनस्रा



सुबुंफोरनि अनगायै स्टारफोरबो सावथुननि सल' आरो भिक्रान्ट मेसिनि फावखौ बाख्नायदों। बावैसो समाव 12 वि फेलनि सासे क्रु मेम्बरा भिधुवा भिक्रान्टनि स्टारडमखौ एसेबो

मिथियामोन होना फोरमायदों। 12 वि फेलनि सासे क्रु मेम्बरा इन्सटग्राम एकाउन्टआव सावथुननि शूटिनि माखासे नुथायखौ दिन्थिदों आरो शेटनिफ्राय मोनसे जाथाइखौ

शेयार खालामदों। बै सुबुडा फोरमायदोंदि, भिधुभिनद चप्राया जेव्ला मुखार्जि नोगोरव भिक्रान्ट मेसिनि थाखाय होंगो-दोंगो जानायखौ नुयो अब्ला बियो गोमोदोंमोन।

गाहाम देहानि राहा

गगा मोन्नाय आरो गुजुनायनिफ्राय रेहाय मोन्नो थाखाय माखासे राहाफोर



थानाय माखासे समनिफ्राय गोबां गुसु जानायजों सुबुंफोरनि न'निफ्राय ओंखारनांगौआ जेना गोनां जादों। गोखैयै बिदुं दावखलायनाया गासै सा भारतखौ रोजा खुवा खुनायनि बेखनथायाव लादों। गुसु बोथोरनि सिजनआ गोबां गुसु जाहोनायनि अनगायै गोबां रोखोमनि बेरामफोर आरो इन्भेक्शनफोरखौ लानानै फेयो। बेस बोथोराव गगा मोन्नाय गुजुनाया मोनसे सरासनस्रा जेना जायो, जाय बांसिन सुबुंफोरनिनायवो जानो हागौ। बेबायदियाव लान्थियै गुजुनायनि जाहोनाव सानफ्रोमबोनि खामानिखौल मावनांगौआ गोबां जेना गोनां जायो। लोगोसेनो लान्थियै गुजुनायनि जोहोनाव सफल' आरो देहानि गुबुन बाहागोफोरावबो गोहोम

गोलैयो। बेबायदियाव नोंथाड माखासे न'आवनो मोन्नो हानाय मुवा-बेसादजों गुजुनायनि जेनानिफ्राय रेहाय मोन्नो हायो। (1) जुदि नोंथाड गुजुनायनि जेनाजों भुगिनांदोंब्ला, संखिनि दैजों गार्गल खालामनो हागोन। गिलाससे दै गुदुडाव एसे संखि होनानै फुनि समाव सिखारनानै गार्गल खालामनायजों नोंथाड लाथियै गुजुबायथानायनिफ्राय रेहाय मोन्नो हायो। बेजों गोदोना मानलुनायनि अनगायै गुजुनायाबो बाडाइ जायो। (2) हाल्दैआ गावनि गुनजों गोबां जेनाफोरनिफ्राय रेहाय होयो। गुजुनायनिफ्राय आराम मोन्नो थाखायबो नोंथाड हाल्दैखौ बाहायनो हायो। बेवहाय एन्टि बेक्टिरियेल गुन थायो। एसे गाइखेर आरो मस्ला फिथरजों लगायनानै बेखौ लौनो हायो। बेयो गुजुनायखौ बाडाइ खालामनायाव मदत होयो। बेनि

अनगायै नोंथाड साहायाव एसे हाइजें आरो हाल्दैबो लगायनानै लौनो हायो। (3) गुजुनायनिफ्राय रेहाय मोन्नो थाखाय लेबु आरो बेरे मोदैआबो गोबां मदत गोनां जायो। लेबु आरो बेरे मोदैखौ दै गुदुडाव लगायनानै लौनायजों गुजुनायनिफ्राय आराम मोन्नो हायो। बेरे मोदैआव थानाय एन्टि-माइक्र'बियल गुन आरो लेबुआव थानाय भिटामिन सि आ इमिउनिटीखौ बांहोनायाव मदत होयो। नोंथाड गावनि साहायाव सामससे बेरे मोदै लगायनानैबो लौनो हायो। (4) जुदि नोंथाड गगा मोन्नाय गुजुनायजों भुगिनांदोंब्ला, दै गुदुनिफ्राय ओंखारनाय खफ'आव हां लानायजोंबो बे जेनानिफ्राय रेहाय मोन्नो हायो।

ए.आर रहमानआ सासे सिख्लानि देंखो

रोजाबनायखौ खोनासंनाय भिडिअ सोराडाव फेदों

बावैसो समाव देंखोगिरि ए.आर रहमानआ गुबुन हादरआव गावनि सासे फेन्सजों लोगो मोन्दों, जायखौ बियो गावनि आइदियेल होन्ना फोरमायना लादों आरो गावनि थाखाय देंखो रोजाबनो हागोन नामा होन्ना बुंदोंमोन। बै सिख्लाय लामायाव गिथार दामनानै हादर अनफावरि देंखो 'मा तुझे सालाम' खौ रोजाबो। ए.आर रहमानआ देंखोखौ खोनायनि उनाव बिखौ गोबां बाख्नायो आरो सशेल मिडियाआव सिख्लानि फारफर्मसनि भिडिअखौबो शेयार खालामो। फारसेथिं थानाय माखासे साननिफ्राय देंखोगिरि

ए.आर रहमानआ गावनि मेन्टेल हेल्ट आरो स्पिरिटुएलिटिनि सायाव बिबुंथि होनायनि उनाव खौराडव थाबाय थादों। रहमानआ फोरमायदोंदि, मोनसे समाव गाव सुसाइड खालामनो गोसो जादोंमोन। ए.आर रहमानआ गारि लाखिनानै सिख्लानि देंखो रोजाबनायखौ खोनासडे आरो गारिनि खिरखिनिफ्राय बिन भिडिअ रेकर्ड खालामो। बियो भिडिअखौ गावनि इन्सटग्राम स्टेरियावबो शेयार खालामो। सासे फेपाराजिया गावनि इन्सटग्राम पेजआव भिडिअ शेयार खालामो, जेराव रहमानआ सिख्लानि देंखो रोजाबनायखौ बाख्नायनाय नुनो मोन्दों। सशेल



मिडियाआव सुबुंफोरा बे भिडिअखौ गोबां मोजां मोन्दों। 3 सप्ताह सिगां ए.आर रहमानआ कन्टुरि महाउत्सवआव बाहागो लानो थाखाय नाग पत्तिनामआव नागर दरगाहयाव थांदोंमोन। जेव्ला बियो बेवहाय बाहागो लानो थाखाय अट' रिक्साजों थाडो अब्ला बिन

हास्थायगिरिफोरा नुनानै गोमोदोंमोन। मख'नो गोनांदि, ए.आर रहमानआ 2009 आव सावथुन स्लमदग मिलियनेयरनि देंखो जय ह' नि थाखाय गंनै अस्कार आरो प्रेमि एवार्डखौ मोन्नो हादोंमोन। ए.आर रहमानआ सावथुनफोरनि थाखाय मिउजिक बानायबाय थायो।

आरआरआरनि फावखुंगुर राम सरनआबो राम मन्दिर गायसन्थायाव हांख्राय जादों

ग्ल'बेल स्टार राम सरन आरो बिन बिसि उपासनाया 22 जानुवारिखालि राम मन्दिरनि गायसन्थाइ फोर्बोंआव बाहागो लानो थाखाय जरखा खवलायजादों। बिसोरखौ सुबुंथि महरै श्री सुनिल आम्बेकरनि गेजेरजों खवलायनाय जायो। बियो इन्भाइटेसन हैनो थाखाय हाइड्राबादआव बिन न'आव थांदोंमोन। बे हाबाफारियाव सिबियारिफोरनि अनगायै मुंदाखा फावगिरि, रजखाथि दैदेनगिरिफोर, उद्दग बिगोमाफोर आरो खेला गेलेगिरिफोरा बाहागो लागोननि आसा दड। राम मन्दिर गायसन्थाइनि थाखाय सावथुन इन्डास्ट्रीनि फावगिरिफोरनि न'आवबो इन्भाइटेसन लेटर हरनाय जादों। बे बिथिडाव आरआरआर



सावथुननि फावखुंगुर राम सरननि मुडाबो दंफायो। गाहाइ मन्थि नरेन्द्र मदिनि आवगायहोनायाव बे फोर्बोंखौ उत्तर प्रदेशनि जारिमिनारि सहर आय'ध्याव खुंनाय जागोन। बे हाबाफारिनि थाखाय हादर नाडै नि गोबां सुबुंफोरनो

इन्भिटेशन लेटर हरनाय जादों। रामनि जोनोम मोन्नाय मन्दिर प्राण प्रतिष्ठाखौ गायसन्तो थाखाय रजनि कान्त, रणबि कापुर, आलिया भाट्ट, आयुष्मान कुराना बायदि फावगिरिफोरनो इन्भाइटेसन हरनाय जादों। आरआरआर सावथुननि

आथिखालाव गावनि गुबुन मोनसे सावथुन गेम चेन्जरनि शूटिआव नांथाबनानै दड। बे सावथुनआव बलिउडनि फावखुंनि कियारा आडवाणिखौ गाहाइ फावआव नुनो मोनगोन।

टाइवानआव हादतगिरिनि बिसायख 'थि भटआ जागायबाय

ताइपे, 13 जानेवारी : टाइवानआव गोदान हादतगिरिनि बिसायख 'थिनि थाखाय शनिबारखालि भट जायो। बे बिसायख 'थिनि फिथाइया फैगो 4 बोसोरसिमाव चीनजों लोगोसे बिसोरनि सोमोन्दोखौ थि खालामनो हागोन। बे बिसायख 'थियाव टाइवाननि गोजोन आरो दिदोमथिया खैफोदआव गोलेदों। खुंथायाव थानाय डेमकेटिक पार्टीखौ दैदेनबाय थानाय लेडाइ हादतगिरि लाइ चिं-तेआ आथिखालनि हादतगिरि ताइ इ-वेननि हेंथायै बिसायख 'थि गेलेगासिनो दड आरो उदाडै मदत होग्रा पार्टीआ थामथि खेब देरहानो नाजानायवाव नांथावदों। लाइआ गावनि नख 'र नोगोर तैनानआव भट सोगोन। चीननि मदतगिरि कुअमितं पार्टीनि बिजाथि हड इड-इहा निउ ताइपे सहरआव गावनि भटखौ सोगोन। बेखौ नेशनेलिस्ट पार्टी



मुंजोंबो मिबथिनो मोन्नाय जायो। लाइमोन भट होग्राफोरनि गेजेरजों अनसाइनाय मोन्नो हानाय टाइवान पिपुल्स पार्टीनि बिजाथिया वेन-जे ताइपेआव भट सोगोन। बिसोर मोननै गाहाइ राजखान्थि दोलोफोरनि अष्पनखौ दिन्थिगासिनो दड। भटआ शनिबार फुनि 8 सिगायाव जागायो आरो गासै 8 घन्टासिम सोलिगोन। बिजाथिफोर थानाय शुक्र बार हराव गावसोरनि फोसावदिं हाबाफोरिखौ आबुं खालामो। तैनानआव लाइआ फोरमायनाय बायदिल्ला बिथाड 1996 माइथायाव गिबि

गाहाइ आरो राजथाननिनि लेडाइ नोगोरफोरनि मेयर हड आ बुडे, बेजिं गजों लोगोसे सोमोन्दोफोरनि सायाव लाइनि नोजोर रोखा नड। बबेखानि बियो दावहा सोमजिहोनो हागो। चीननि सान्थियारि हुमखि होनायफोरा माखासे भट होग्राफोरखौ उदाडैमदत मोनग्रा बिजाथिफोरनि हेंथा खालामनो हागो। नाथाय आमेरिकाया जायखि-जाया सरकार जानायव बिसोरखौ मदत होनो खोथा होयो। आमेरिकानि हादतगिरि ज 'बाइडेननि खुं थाया बिसायख 'थिनि उनाव द्विपयारि हादतआव आगुनि गागि बिबानगिरिफोरनि मोनसे थान्दै हान्जा दैथाइहरनो बिथांखि लादों। बे थांखिया बेजिं ग आरो वाशिंटननि गेजेराव सोमोन्दोफोरखौ सरासन्सा खालामनो नाजानायवाव हेंथा सोमजिहोनो हागो होन्ना सुलुडव फोरमायदों।

आमेरिकानि सान्थिफोरा हुति बिग्रायारिफोरनि आरोबाव मोनसे मख'जाथाव केम्पनि सायाव एयारस्ट्राइक खालामदों

वाशिंटन, 13 जानेवारी : रेड सिआव उतरखारखौ बांहोनाय यमननि हुति बिग्रायारिफोरनि उल्था सान्नाया जागायबाय। हुति बिग्रायारिफोरनि गासै केम्पफोराव इलेण्ड आरो आमेरिकाया गोखोडै एयार स्ट्राइक खालामगासिनो दड। बेजों हुंहा थासारि सोमजिदों। आमेरिकानि सान्थिफोरा शनिबारखालि फुडव यमनआव हुति बिग्रायारिफोरनि कन्ट्रलआव थानाय आरोबाव मोनसे जायगायाव गिखंथावै गाग्लोबो। आमेरिकानि सानै बिबानगिरिफोरा बेनि खौरां होदों। यमननि राजथाननि सनायाव एशसियेटेड प्रेसनि खौरां गिरिफोरा गोखोडै

बेरफुनायनि सोदोब खोनानो मोन्दों। सासे बिबानगिरिया फोरमायनाय बायदिल्ला बेनि सिगां शुक्रबारखालि आमेरिका आरो ब्रिटेइनआ हुति बिग्रायारिफोर बाहायनाय जायगाफोरखौ नोजोर होदोंमोन। बेयाव मोन 28 था जायगाफोराव थानाय 60 था केम्पफोरनि सायाव गाग्लोबदों। बिग्रायारिफोरनि सायाव फैगो 72 घन्टायाव माखासे गिदिर गाग्लोबबावोनो हागो। बे समाव यमननि अमनआ गिदिर अलखदआव गोग्लै गोन। आमेरिकिया बुंभावदोंमोनदि, बे रडार जायगाया दासिमबो लैथोमायारि हान्था-मेलानि थाखाय अलखद गोनं जादों।

आमेरिकानि हादतगिरि ज 'बाइडेनआ थानाय शुक्रबारखालि खौरां होदोंमोनदि, हुति बिग्रायारिफोरा गाग्लोबनायजों भुगिनांनो हागो। बे गाग्लोबनायखौ बै समाव खालामनाय जायो, जेव्हा आमेरिका आरो ब्रिटेइननि गेजेरजों हुति बिग्रायारिफोरनि सायाव उरां जाहाजजों गाग्लोबनायनि उनाव आमेरिकानि नेभिफोरा आमेरिकानि फिफिली गोनं जाहाजफोरखौ फैगो 72 घन्टासिमाव रेड सि आरो अदननि लैथोमायाव यमननि खाथि ओन्सोलनिफ्राय जानगाराव थानो सांघ्रांथि होयो। बे सांघ्रांथिखौ बै समाव



होयो जेव्हा यमननि हुति बिग्रायारिफोरा आमेरिकानि गाग्लोबनायनि खिथेर लानो फोसावो। जायजों गाजायाव इग्राइलनि दावहा सोलिनयनि अनगायै आरोबाव मोनसे गिखंथाव दावहा जागायनायनि अलखदआ बांदों। आमेरिकानि सान्थि आरो हवाइट हाउसनि बिबानगिरिफोरा हुतिफोरा गाग्लोबफिनगोन होन्ना बुंदों।

समालियानि बोरिनिफ्राय आमेरिका नेभिनि सानै नाव सालायग्राफोरा गोमानानै दड

सन्ना, 13 जानेवारी : समालियानि बोरियाव थानाय बृहस्पतिबारखालि बेलासियाव खालामनाय अपारेसननि समाव आमेरिका नेभिनि सानै नाव सालायग्राफोरा गोमायो। आमेरिकानि सान्थिफोरा थानाय शुक्रबारखालि मोनसे बिबुंथि फोसावनां बेनि खौरां होयो। बिथां मोनहा फोरमायनाय बायदिल्ला आथिखालाव गोमानानै थानाय नाव सालायग्राफोरखौ नागिरनाय हाबाफारि जागायबाय। इउएस सेन्ट्रल कामान्डआ बुंनाय बायदिल्ला, बे नाव सालायग्राफोरखौ आमेरिका नेभिनि बाथि हान्जाया

थिसन्दोंमोन, जायनि गेजेरजों सान्थिफोरा माखासे हाबाफारिफोरखौ फिन्नाय होनांगो जायो। बिबुंथियाव बे बाथ्राखौबो बुंनाय जादोंदि, जेव्हासिम नागिरनाय हाबाफारिया आबुं जाया अब्लासिम उफ्रा खौरांखौ होनाय जानाय नड। सुलुडव फोरमायनाय बायदिल्ला बावैसो समनि सिगां समालियानि बोरिनिफ्रायनो गंसे जाहाजखौ हाइजेक खालामदोंमोन। बे जाहाजआव साबा भारतयारि नोगोरफोरखो दफायोमोन। बे जाहाजआव लाइबेरियानि फिफिली लागायनाय दंमोन। जेव्हा बे जाहाजआ आर'ब



लैथोमाजों थंगासिनो दडमोन बै समाव सा 5-6 हाथियार लानाय सिनाय मोनै सुबुंफोरा जाहाजआव गाखोनानै जाहाजखौ खावोनो नाजायो। बे जाथायनि खौरां मोन्नाय लोगो लोगो भारतयारि नेभिफोरा गावसोरनि दावहा नंग्रा जाहाज आइएनएस चेन्नाइजों रावना होदोंमोन। मख'नो गोनॉदि, समालियाआ

हर्न अफ आफ्रिकायाव दड। जायनि फारसेथिं भारत लैथोमा आरो गुबुन फारसेथिं अदननि लैथोमाया दड। हारिमाआरि शिपिनि लामायावो समालियानि खाथियाव थानाय लैथोमाया हाइजेक खालामग्राफोरनि अलखदआव थायो।

दिल्ली-एनसिआरआ खुवानि बेखनआव इउपि आरो बिहारवबो गुसुया साग्लोबसारदों

गोदान दिल्ली, 13 जानेवारी : दिल्ली-एनसिआरआ दासान्दि खुवाजों बेखनना लाजादों। जोबोद गुसु आरो खुवाया सुबुंफोरखौ जैनायाव खोखलै गासिनो दड। बेनि जाहोनाव सुबुंफोर गुदुं मोन्नो थाखाय अरनि हेंफाजाव लागसिनो दड। बेरा फारसे, इउपि आरो बिहारवबो जोबोद गुसुया बांगासिनो दड। आथिखालाव साननि समाव सादुंबो नुनो मोन्दों। फुं आरो हरनि समाव जोबोद गुसुया



सुबुंफोरखौ जैनायाव खोखलै गासिनो दड। बे समाव सुबुंफोर अरनि हेफाजाव लोगासिनो दड। बेनि गेजेरजों शुक्रबार फुडव बे बोथोरनि बयनिखुइ गुसुसिन फुं जादों। सुलुडव फोरमायनाय बायदिल्ला, पान्जाब आरो हरियाणायाव बोथोरखौ नोजोर होनां रेड एलाड फोसावदों। उत्तर प्रदेशआवबो जोबोद गुसु गोग्लैगासिनो दड। फैगो साननै सान्थाम सिमाव बोथोरव जेबो सोलायाखै। बोथोर बिफाना मकर संक्रान्ति एबा 15 जानेवारीनि उनावसो एसे रेहाय

मोनगोन होन्ना सन्देह' फोरमायदों। सुलुनि बायदिल्ला, शुक्रबारखालि फुडव इउपियाव सान्दुंखौ नुनो मोन्दोंमोन। नाथाय बे समाव गुसु बारबो बारदोंमोन। सा-सोनाबनिफ्राय सोमजिनाय चक्रवाती सोनवारि नारसिन्हाइनि जाहोनाव 15 जानेवारीसिमाव गुसुनिफ्राय रेहाय मोन्नायनि आसा गैया। बेनि गेजेरजों शुक्रबारव अमौसी एयारपर्टआव फेनो गोनं गंथाम उरां जाहाजफोरखौ होबथायो।

मरिशासआव राम मन्दिरनि प्राण प्रतिष्ठानि सानाव 2 घन्टा छुट्टि फोसावदों

अयध्या, 13 जानेवारी : अयध्याआव फेगो 22 जानेवारीखालि राम मन्दिर बेखेवनायनि खाबुआव मरिशास सरकाराबो राइज्योयारि छुट्टि फोसावदों। मरिशास सरकारा हादतआव खामानि मावहैनाय हिन्दुफोरनि थाखाय 22 जानेवारीआव 2 घन्टा छुट्टि एबा हलिडे फोसावदों, जाहाथे अयध्यानि प्राण प्रतिष्ठानि खाबु लानानै बैयावबो खालामनो गोनं फोबोफोराव हिन्दुफोरा बाहागो लानो हायो। मरिशासनि गाहाइ मन्थि प्रबिन्द कुमार जुगनौथनि दैदेनायाव गाहाइ मन्थि प्रबिन्द



कुमार जुगनौथनि दैदेनायाव मरिशासनि केबिनेटआ शुक्र बारआव मोनसे मावख 'यारि फिन्नाय फोसावदों, जेराव फोरमायदोंदि, केबिनेटआ फैगो 22 जानेवारी,

समबाराव 1400 निफ्राय 2 घन्टानि जर'खा छुट्टि होनो गनायथियो। मख'जाथावदि, गाहाइ मन्थि नरेन्द्र मदिया 22 जानेवारीयाव भय्य मन्दिरनि गर्भगृहनि सिंआव श्री राम

ललानि मुसुखाखौ फज'नायाव बाहागो लागोन। भय्य मन्दिरखौ बेखेवनायनि थाखाय गासिबो फोथारफोरनि गोबां दैदेनगिरि आरो गागि सुबुंफोरखौ खावलायहरनाय जादों। मन्दिरनि बिबानगिरिफोरनि बायदिल्ला, बे फोबोया 16 जानेवारीनिफ्राय जागायनां सा 7 सिम सोलिगोन। श्री राम जन्मभूमि तीर्थ यात्रानि ट्रास्टआ 22 जानेवारीनि सान्जुफु समाव राम मन्दिरनि गर्भगृहआव राम ललाखौ थिसन्नायनि थांखि लादों।

टाटा ग्रुपआ चिंस चाइनीस फेम कम्पनीखौ 5000 कौटिआव बायबाय

गोदान दिल्ली, 13 जानेवारी : हादतनि बयनिखुइ देरसिन फालांगि फसंथान टाटा एफएमसिजि कम्पनी टाटा कन्जुमारनि फारसेनिफ्राय 5,100 कौटि रंनि एन्टरप्राइस भेलुआव

केपिटेल फुटखौ आवग्रिनो थाखाय रादाय खायो। बे रादायनि गेजेरजों टाटा कन्जुमारनि फारसेनिफ्राय केपिटेल फुटआव 75 जौखोन्दो बाहागोखौ आवग्रिना लानाय जागोन आरो आद्रा थानाय 25 जौखोन्दो बाहागोखौ फैगो बोसोर 3 नि गेजेराव आवग्रिनाय जागोन। कम्पनीनि फारसेनिफ्राय एक्ससेन्स फाइलिं आव बे खौरांखौ होयो। सुलुडव फोरमायनाय बायदिल्ला, केपिटेल फुडआव बै कम्पनी, जाय हादतनाडै चिंस चाइनीस मुंखौ नुडल्स आरो मसलाजों लोगोसे आलादा आलादा रोखोमनि फुड पेस्टफोरखौ फानो। टाटा ग्रुपनि बिथांखिया 31 मार्चसिमाव केपिटेल फुडआव 75 जौखोन्दो बाहागोखौ आवग्रिना लानाय। कम्पनीनि फारसेनिफ्राय



फोसावनाय बिबुंथियाव बुडेदि, बे आवग्रिना लानाया जाग्रा आदार आरो लोंगा बेसादिनि बिथिडव गोखैयै जौगाखां आरो गोसो बोनो हानायखौ मोन्नाय थांखिजों कम्पनीनि सोलो-खान्थिनि गेजेरजों जादों। केपिटेल फुडआ मोनसे एफएमसिजि कम्पनी। बे कम्पनीनि आयआ 2022-23 याव 706 कौटि रं थाहैदोंमोन। बेराफारसे बे बोसोरनि सिगाडव कम्पनीनि आयआ 574 कौटि रंमोन। फारसेथिं 2023 नि 31

मार्चसिमाव कम्पनीनि नेटवर्कआ 312 कौटि रंमोन। कम्पनीया गोखैयै जौगाखानै केटेगियाव चिंस चाइनीस आरो स्मिथ एन्ड जन्स मुंजों गोखौ ब्रेन्डनि जायो। चिंस चाइनीसखौ डेसि चाइनीस फुड मार्केटआव लिडार ब्रेन्ड महेरगनायना लानाय जायो। बे ब्रेन्डनि गेजेरजों कम्पनीया चाटनी, मसला, सुप आरो सस बायदिखौ फानो। स्मिथ एन्ड जन्स ब्रेन्डनि गेजेरजों कम्पनीया वेस्टार्न फुडनि फालांगि खालामो।

चीननि एक्सपर्टआ 7 बोसोरनि गेजेराव गाहायसिनआव सौफैदों

गोदान दिल्ली, 13 जानेवारी: चीननि रंखान्थिनि थाखाय मोनसेनि उनाव मोनसे गात्रि खौरांफोरा सोरडव फेदों। थानाय बोसोरआ चीननि रंखान्थिनि थाखाय जोबोद गात्रि होन्ना बुंजायो आरो आथिखालनि बोसोर 2024 नि थाखायबो इसार मोन्नाया मोजां नडा होन्ना बुंजायो। शुक्रबारआव फोसावनाय सिमना टेक्स अन्जिमाफोरनि बादिद्ला, 2016 नि उनाव गिबि खेब बबेबा बोसोराव चीननि एक्सपर्टआ दावखलायदों। मुलुगनि हादरफोरा चीननि मुवा-बेसादफोरखौ जोबोद खम बायनो हमबाय। बिबानगिरिफोरा बुंदोंदि, चीनआ 2024 आव चीननि थाखाय खहानिफ्राय जाखांबोनाया गोबाब जागोन। चीनआ



शुक्रबारखालि फोसावनाय बे रिपर्टआ मोनसेल' जेना गोनं डाटा नडमोन। बेनि अनगायैबो माखासे गुबुन डाटाफोराबो जेनागोनं होन्ना बुंजायो। मुलुगनि नैथि बयनिखुइबो देरसिन रंखान्थि राहा गोनं चीनआ आथिखालाव रंखान्थि दावखलायनाय जेनाजों जुजिनो गोखौ नाजानादों। मख'जाथावदि, 2023 आव चीनआव बेसेन बांनाया थानाय

14 बोसोरफोरनि गेजेरावनो बयनिखुइबो बांसिनमोन आरो रंखान्थि आञिनाया लोरबांसिन जादोंमोन। मुलुगनि गोबां हादरफोरा चीननि मुवा-बेसादखौ बायनो नेवसिनायजों लोगोसे गावनि हादर सिडवबो डिमान्डआ जोबोद लोरबां जाबोदों। बेबादिनो चीनआ ल' डिमान्डजों मोगा-मोगि जानादों। थानाय बोसोरनि नभेम्बरनि रुजुनायाव डिसेम्बर

नेपालनि दां जिल्लायव बास जाब्रबथायाव सा 12 जिउ ख' हा जादों

काठमान्डु, 13 जानेवारी : गेजेर-सोनाव नेपालनि दां जिल्लायव मोनसे गिदिर लामानि जाब्रबथाइ जायो। पुलिसआ मिबथिहोनाय बायदिल्ला, बे जाब्रबथायाव सानै भारतयारि नोगोरफोरखो जिउ गोमादों। बिसोरखौ लाफानानै जाब्रबथाइयाव गासै सा 12 सुबुंफोरनि जिउ गोमायो। शुक्र बारखालि मोनायाव भालुबांआव जानाय बे जाब्रबथाइयाव सा 8 थैनायफोरनि सिनायथिखौ मिबथिनो हानाय जादों।

अदेबानि खौरां मोन्नायसिमाव गुबुन साब्रै थैनायफोरनि सिनायथिखौ मिबथिनो मोन्नाय जायाखै। डिएसपि उज्जल बाहादुर सिंहआ बुंदोंदि, बे पेसेन्जार बासआ बांकेनि नेपालगन्जनिफ्राय काठमान्डु फारसे थांदोंमोन। थानाय समावनो दां जिल्लानि गंसे दालांआव जाब्रबथाइ जाना दालांनिफ्राय राप्टी दैमायाव गोग्लैलाडे। बे जाब्रबथाइयाव थैनायफोरनि गेजेराव सा 8 खौ सिनायथिनो हानाय जादों, जेराव सानै भारतीयफोरखौबो



सिनायथिनो हादों। पुलिसनि मिबथिहोनाय बायदिल्ला बास जाब्रबथाइयाव थैनायनि अनगायै गुबुन सा 22 दावबायारिफोरा जोखोम जादों। जाब्रबथायाव थैनाय सानै भारतीयफोरखौबो बिहार राइज्योनि मलाहीनि थागिबि

यगेन्द्र राम (67) आरो उत्तर प्रदेशनि थागिबि बालेमुने (31) होन्नां मिबथिनो मोन्दों। जाब्रबथायाव थैनायफोरनि गोथै सह'खौ परस्ट मार्टमनि थाखाय लमही फाहामसालियाव लानाय जायो।

सुमित नागलआ अस्ट्रेलियान अपेननि गाहाइ ड्रआव सौहैबाय

के नबेरा, 13 जानुवारी: भारतनि मुंदांखा टेनिस गेलेगिरि सुमित नागलआ अस्ट्रेलियान अपेनआव हौवाफोरनि सिंगेल्स इभेन्टनि गाहाइ ड्रआव जायगा आवग्रिबाय। बे टुर्नामेन्टनि क्वालिफाई फाइनलआव नागलआ स्लभाकियानि एलेक्स मलकानखौ गोल्लैथेनो फेजेन्टो। 2 घन्टा 3 मिनटसिम सोलिनाय बे मेचआव नागलआ मलकानखौ 6-4, 6-4 स्करआव फेजेन्टो। नैथि सेटनि 10 थि गेमआव बेरेखा बादायारिनि 30-40 पइन्टनि फारागआव डाबल पाउल खालामनायनि उनाव बिथाडा मेचखौ देहादो। नागलनि हेंथायै गाहाइ इनि गिबि राउन्डआव काजाकिस्ताननि मुलुगनि नम्बर 31 आलेक्जेन्डर बुबलिकआ ओंखारगोन। सोलिफु समाव सिंगेल्सआव मुलुगनि 139 थि



नाथाय नैथि राउन्डआव नागलआ नैथि रेंकिंग आरो जोबथा खेब महुरै सेम्पियन जाखानाय डमिनिख थिएमजो 6-3, 6-3, 6-2 स्करआव जेनादो। सुमित नागलआ बेनि सिगां अस्ट्रेलियान अपेननि क्वालिफाई टुर्नामेन्टनि फाइनल राउन्डआव सौहैदोमोन। नागलआ नैथि क्वालिफाई मेचआव अस्ट्रेलियानि लाइल्ड कार्ड हल्डार एडभाई उइन्टरखौ 1 घन्टा 4 मिनटआव 6-3, 6-2 स्करआव फेजेन्टोमोन। सोलिफु समाव वर्ल्ड रेंकिंगआव 132 मासिआव जायगा मोनाय नागलआ 2021 नि उनाव गिबि खेब ग्रेन्डस्लेमनि गाहाइ ड्रआव सेलेन्ज होदोमोन। बेनि बोसोरसे उनाव भारतीय सिजननि जोबथा ग्रेन्डस्लेमनि गिबि राउन्डआव मेचखौ दैदेनग्रा हादरनिनो ब्रेडली क्लेमखौ 6-1, 6-3, 3-6, 6-1 स्करआव फेजेन्टो नैथि राउन्डआव जायगा आवग्रिदो।

नम्बरआव जायगा मोनाय नागलआ 2021 नि उनाव सिजननि गिबि ग्रेन्डस्लेमआव नैथि गाहाइ ड्रआव सौहैदो हदो। बिथाडा अभारअल गासै ब्रैथि खेब ग्रेन्डस्लेमनि गाहाइ ड्रआव सौहैदो। नागलआ जागायजेनाय राउन्डआव लिथुआनीयानि बादायारि रिकार्डस बेराकिसजो 2-6, 5-7, 3-6 स्करआव जेनादोमोन। बेनि सिगां नागलआ 2019 आरो 2020 आव इउएस अपेननि गाहाइ

ड्रआवबो सौहैदोमोन। 2019 आव नागलआ 6-4, 1-6, 2-6, 4-6 स्करआव जेनायनि सिगां फलसिं मिडसआव मुंदांखा बादायारि रजार फेडेशखौ खेबब्रै सेटसिमआव गोखौ सेलेन्ज होदोमोन। बेनि बोसोरसे उनाव भारतीय सिजननि जोबथा ग्रेन्डस्लेमनि गिबि राउन्डआव मेचखौ दैदेनग्रा हादरनिनो ब्रेडली क्लेमखौ 6-1, 6-3, 3-6, 6-1 स्करआव फेजेन्टो नैथि राउन्डआव जायगा आवग्रिदो।

सात्त्विक आरो सिरागनि जराआ मालएसिया अपेननि सेमिफाइनलाव, आस्विनी-तनिषानि जराआ जानगारआव

गोदान दिल्ली, 13 जानुवारी: वर्ल्ड रेंकिंगआव नैथि नम्बरआव जायगा मोनाय सात्त्विकसाइराज रेन्किरेडु आरो सिराग शेड्रिनि भारतीय जराआ मालएसिया अपेन सुपार 1000 टुर्नामेन्टआव चीननि रेन जियां यु आरो हे जि टिनि जराखौ थोंजो सेटफोरव फेजेन्टो नैथि खेब सेमिफाइनलाव सौहैदो। थानाय बोसोराव एसियान गेम्सआव सनानि



मेडेल देरहानाय बिसोर सानैनि जराआ मेचनि समाव मोजाडै साईस सामलायनानै वर्ल्ड रेंकिंगआव 32 नम्बरआव जायगा मोनाय चीननि जराखौ 35 मिनटसिमआव 21-11, 21-8 स्करआव फेजेन्टो। आस्विनी पनप्पा आरो तनिषा के स्टनि आइजो जराआ आइजोफोरनि डाबल्स इभेन्टनि क्वाटर् फाइनलाव जापाननि रिन इभानागा आरो कि नाकानिशीजो थोंजो सेटफोरव जेनाडो। वर्ल्ड रेंकिंगआव 24 थि नम्बरआव जायगा मोनाय बिसोर सानैनि भारतीय जराआ बेनि सिगां टप रेंकिंगआव जायगा मोनाय आरो खेबनै वर्ल्ड सेम्पियन जाखानाय मायु मात्सुमत आरो भकाना नागाहरानि जराखौ फेजेन्टो मुंदांखा जादोमोन। बिसोर सानैनि जराआ नाथाय बे खेबआव मोजां फर्मखौ लाखिनो हायैनि थाखाय 39 मिनटसिम सोलिनाय मेचआव 15-21, 13-21 स्करआव जेनादो। बे जेनानाया बिसोर सानैनि थाखाय वर्ल्ड रेंकिंगआव 15 थि मासिआव जायगा मोनाय जापाननि जराजो नैथि खेब जेनानाय।

मेडेल देरहानाय बिसोर सानैनि जराआ मेचनि समाव मोजाडै साईस सामलायनानै वर्ल्ड रेंकिंगआव 32 नम्बरआव जायगा मोनाय चीननि जराखौ 35 मिनटसिमआव 21-11, 21-8 स्करआव फेजेन्टो। आस्विनी पनप्पा आरो तनिषा के स्टनि आइजो जराआ आइजोफोरनि डाबल्स इभेन्टनि क्वाटर् फाइनलाव जापाननि रिन इभानागा आरो कि नाकानिशीजो थोंजो सेटफोरव जेनाडो। वर्ल्ड रेंकिंगआव 24 थि नम्बरआव जायगा मोनाय बिसोर सानैनि भारतीय जराआ बेनि सिगां टप रेंकिंगआव जायगा मोनाय आरो खेबनै वर्ल्ड सेम्पियन जाखानाय मायु मात्सुमत आरो भकाना नागाहरानि जराखौ फेजेन्टो मुंदांखा जादोमोन। बिसोर सानैनि जराआ नाथाय बे खेबआव मोजां फर्मखौ लाखिनो हायैनि थाखाय 39 मिनटसिम सोलिनाय मेचआव 15-21, 13-21 स्करआव जेनादो। बे जेनानाया बिसोर सानैनि थाखाय वर्ल्ड रेंकिंगआव 15 थि मासिआव जायगा मोनाय जापाननि जराजो नैथि खेब जेनानाय।

सेमिफाइनल मेचआ 18 जानुवारि आरो फाइनलआ 19 जानुवारिआव जाहैगोन। भारत आरो आमेरिकाया 1983 निफ्राय गावजो गाव खेब 15 मेच बादायबाय। बेनि गेजेराव आमेरिकाआ खेब 9, भारतआ खेब 4 मेचआव देहादो आरो आद्रा खेबनै मेचआ ड्रआव थुगेदो। रेंकिंगआव गाहायव जायगा मोनायनि जाउनावबो बे क्वालिफायरआव आमेरिकानि टीमआ गोखौसिनै दिन्थिफुनो हागो। भारतीय टीमनि गाहाइ कच यानिक सपमेनआ प्रेस कन्फरेन्सनि गेजेरजो एसियान गेम्सनि जोहै अलिम्पिकनि थाखाय क्वालिफाई जानायनिफ्राय जानगारआव थानादोब्लाबो बे खेबआव साबसिनै दिन्थिफुनायजो क्वालिफाई जानो नाजागोननि फोथायथि होदो। बिथाडा सिगांनिफ्राय साबसिनआव दिन्थिफुनोननि फोथायथि होनाने बेबादि मोजां फर्मजो नो क्वालिफाई जागोननि मिजिंथि लादोमोन। बे टुर्नामेन्टनि 9 सान सिगांनो भारतनि स्ट्रइकार बन्दना कतारियाआ प्रेक्विस्सिम समाव हारायाव प्रेक्सार जादोमोन। थानाय माखासे सान सिगांसो भारतनि थाखाय खेब 300

इन्टरसेनेल मेच गेलेखानाय बन्दनाआ फरवाड डिफेन्सआव मोजाडै गेलेयोमोन। बिथाडा टीमनिफ्राय जायखारनायनि जाउनाव भारतआ माखासे जेनाजो मोगा-मोगि जानानो हागो। बन्दनाया अलिम्पिकआव हेट्रिक गल सोनाय गिबि भारतीय आइजो गेलेगिरि जानानै दड। टुर्नामेन्टआ जागायनयनि सिगांनो बारग' ड्रेगफ्लिकार रुपिन्दर पाल सिंहा गेलेगिरिफोरनि प्रेक्विस्सिम साबसिनै खालामहोदो। सपमेनआ कच यानिक सपमेनआ प्रेस कन्फरेन्सनि गेजेरजो एसियान गेम्सनि जोहै अलिम्पिकनि थाखाय क्वालिफाई जानायनिफ्राय जानगारआव थानादोब्लाबो बे खेबआव साबसिनै दिन्थिफुनायजो क्वालिफाई जानो नाजागोननि फोथायथि होदो। बिथाडा सिगांनिफ्राय साबसिनआव दिन्थिफुनोननि फोथायथि होनाने बेबादि मोजां फर्मजो नो क्वालिफाई जागोननि मिजिंथि लादोमोन। बे टुर्नामेन्टनि 9 सान सिगांनो भारतनि स्ट्रइकार बन्दना कतारियाआ प्रेक्विस्सिम समाव हारायाव प्रेक्सार जादोमोन। थानाय माखासे सान सिगांसो भारतनि थाखाय खेब 300

एसिया कापआव जापाननि यशिमि यामाशिताआ जारिमिन सोरजिदो

टकिय, 13 जानुवारी: जापाननि मुंदांखा आइजो रेफारि यशिमि यामाशिताआ एएफसि एसियान काप फुटबल टुर्नामेन्टआव रेफारिनि बिबान सामलायनाय गिबि आइजो बिबानगिरि जाबाय। 36 बोसोरनि यामाशिताआ 13 जानुवारिखालि भारत आरो अस्ट्रेलियानि गेजेराव गेलेनाय मेचआव रेफारिनि बिबान सामलायनानै जारिमिन सोरजियो। बिथाडा 2019 आव एएफसि सेम्पियन्स लीग, फिफा अमेन्स वर्ल्ड काप 2019 आरो टकिय अलिम्पिक 2020 आव रेफारिनि बिबान सामलायनाय गिबि आइजो जानोबो हादोमोन। बेनि अनगायैबो यामाशिताआ फिफा वर्ल्ड काप काठार 2022 आवबो रेफारिनि बिबान सामलायदोमोन।

भारतीय फुटबल टीमआ गिबियै बे टुर्नामेन्टआव 2015 नि सेम्पियन अस्ट्रेलियाजो बादायजेनगोन। भारतीय टीमआ गिबि खेब लान्थ्रियै खेबनै सिजननि थाखाय क्वालिफाई जादो। ब्लू टाइगर्स मुंजो मिथिजानाय भारतीय टीमआ गुप-बिआव अस्ट्रेलिया, उन्बेकिस्तान आरो सिरियाजो लाखिजादो। बाथि खेब एसियान कापआव बाहागो लानाय भारतीय टीमनि हेंथायै एसियानि टप-24 आव जायगा आवग्रिनाय टीमफोरा सेलेन्जआव ओंखारगोन। मख'नो गोनादि, भारतआ थानाय 68 बोसोरनिफ्रायनो बे टुर्नामेन्टआव गेलेबोदोब्लाबो खेबसेबो सेम्पियन जानो हायाखै। बे समफारिनि गेजेराव टुर्नामेन्टआव भारतीय टीमनि



साबसिन दिन्थिफुनायनि रेकडआ 1964 आव गेलेनाय मेचआनो जानानै दड। बे सिजनआव भारतआ थामथि नम्बरआव जायगा आवग्रिदोमोन आरो इजराइलआ सेम्पियन जानो हादोमोन। इउ कापआ इउरप हादरमा, कपा आमेरिकाआ लेटिन आमेरिकानि टप इन्टरसेनेल टुर्नामेन्ट जानाय बादिनो एसिया काप फुटबल

टुर्नामेन्टआ एसिया हादरमानि देरसिन फुटबल टुर्नामेन्ट गनायजायो। बे टुर्नामेन्टआव एसियानि मोन 24 टीमफोरा बाहागो लागोन। जाय टुर्नामेन्टआ खेबफोम 4 बोसोरनि उन उन 1956 निफ्रायनो खुंजाबोगासिनो दड। सोलिफु समाव जानाय बे टुर्नामेन्टआ एएफसि फुटबल टुर्नामेन्टनि 18 थि सिजन जानानै दड।



Bandhan Bank

May this Bihu bring joy, good health and prosperity.

Here's to the festival of happiness that binds us all together.

Bandhan Bank wishes you a fulfilling Bhogali Bihu.

